


讀史管見 十五六




漢書門			
二	一	二	二
〇	三	四	〇
冊	〇	函	號
架	六	〇	類

內閣文庫			
元	二	〇	漢
七	四	〇	書
〇	九	〇	〇
〇	〇	〇	〇
架	冊	號	類

內閣文庫	
番號	漢 2490
冊數	20(12)
函號	297 145

十二



讀史管見卷第十五

淺草文庫

宋建安胡寅著

明太倉張溥閱

陳紀

高宗宣帝下

十年吳明徹圍周彭城蕭摩訶曰聞王軌始鑿下流若見違
上聞周滅齊欲爭徐兗詔吳明徹伐之蕭摩訶獻策
擊之彼必不救相拒明徹奮稱曰長筭遠略老夫事也
於明徹明徹曰搴旗陷陳將軍事也長筭遠畧老夫

事也摩訶失色而退軍竟敗沒明徹憂憤而卒

器量之所以易滿者志不勝氣也能持其志則不

為氣使矣器量之所以易滿者識不包物也能廣

論吳明徹器
重易滿

十年

其識則不爲物移矣。雖然，此在儒學士大夫尚有
所不能，以志識浮淺者衆也。而況於介冑之士乎。
無惑乎明徹之傾覆矣。在易之謙曰：勞謙君子有
終吉。孔子曰：勞而不伐，有功而不德，語以其功下
人者也。德言盛，禮言恭，謙也者，致恭以存其位者
也。以周公之才之美，使驕且吝，猶不足觀，故晉士
燮、漢馮異、蜀趙雲之徒，戰勝攻取，淡若無事，故能
從王事而保其終。明徹獨不知此哉。夫量之可勉
而宏，非若力之難強而多也。烏獲舉百鈞，少加焉
則不勝任矣。惟量不然。志惟我所立，識惟我所廓
也。知此學者，舜禹有天下而不與焉，亦可至也。不
知此者，雖雄才大畧，如齊桓、九合諸侯，振而矜之，
則叛者九國。曹操旣克荊州，張松見忽，則天下三
分。又況其餘乎。

周主初服常冠，以皂紗全幅，向後幘髮，仍裁爲四脚。
君子大復古，重變古，非泥於古也。以生生人之具，皆
古大聖人因時制宜，各有法象意義，不可以私智
更改之也。用步卒而車戰法亡，開阡陌而井地法

亡。建郡縣而封建法亡。以日易月而通喪之禮廢。從事鞍馬而轡軾之儀絕。參以胡服而冕黻不復用。尚以盃按而簋席不復施。大抵視便利爲安。日趨於苟簡。而聖王所作法象意義。不復可見。有天下者以智力得之。凡所施設。是今而非古。如宣帝所謂漢家自有制度者。豈不可歎之甚哉。以周家紗幘一事論之。此後世巾幘朝冠之所自始也。古者賓祭喪燕戎事。冠各有宜。紗幘旣行。諸冠由此漸廢。紗而用漆。爲兩帶上結。兩帶後垂。唐以來然矣。此又四脚之變也。其後則又以夫垂者左右橫之。而其頂則起後平前方爲六角。若天子侍衛之近者則又武其一脚。翹其一脚。稽之法象果何所則求之。意義果何所據。然而行之數百年。莫有以爲非也。至於總而簪弁。則屬之道家者流。非道家之得也。乃自老莊而後。爲之徒者。其服變革未盡。猶有古士服之餘製焉耳。治天下莫大於禮。禮莫明於服。服莫重於冠。必欲盡善。其必考古而立制。夫亦何獨冠爲然哉。

周高祖以後事付宇文憲伯宣帝始立忌齊王憲謂孝伯為朕圖齊王孝伯

周宣王忌齊王憲殺之

即親謀乃于智等密謀執憲遂盜之宋本

信之難立也久矣君臣之間將死深悲之意丁寧

握手之言託以幼孤旋即背之者皆是也魏明帝

屬齊王芳於司馬懿曾不數年而芳廢矣陳世祖

屬臨海王於安成王頊曾不數年而伯宗黜矣握

大權而無逼上之勢臨大利而無歸已之念非賢

者孰能之宇文憲少負令問躬抱材畧戰伐有功

事若謙謹未嘗聞過舉此固國之藩翰民之仰望

也高祖既牽於立子之愛舍憲而與贊矣使憲有

自取之意遵泰護累行之故又何難焉而恪守分

義坐而待死所以然者緣高祖命裴文舉陪侍齊

公有義方之訓而憲于時有盡忠竭節之言是故

奉以周旋不肯墜失若憲者其賢矣哉世衰道微

人愛其情詭詐猜貳以相傾奪至於刑牲歃血指

天誓日墜命亡氏申固盟約猶不能踐也而憲以

一言自許之故矢死弗渝可不謂賢矣乎觀憲之

能賢益足以見贊之無道矣

十一年

鄭譯以周主杖痕事由執孝伯因言執持須臾帝殺執責孝伯
周主之為太子多失德王執言於武帝武帝杖之及
知齊謀反對曰齊王為群小所惑然孝伯竟賜死宋本

論宇文孝伯
不能處死

即位問鄭譯曰我脚杖痕誰所為也譯以軌告宇文孝伯因言軌有廢立之謀軌遂坐誅他日周主問孝伯曰公知齊王反何不告遂殺孝伯

昏主不必事也不免於事者事之不必深則有所不必死若宇文孝伯以貴戚之卿膺顧命之重則異乎外臣矣死之非難處死之難也孝伯當於何而死贊欲殺齊王憲之時可以力爭爭而不從死之義也既已失之及贊欲殺烏丸軌之時亦可以力爭爭而不從死之亦義也而孝伯於此二者咸

有失焉於殺憲也諫既不力由此見踈思所以自免者於殺軌也非惟不諫又贊成之將以自免也曾不量無道之君心既失常以字加以忌克而同姓大臣居嫌疑之地有輔拂之憎難乎其以智計全矣故如宇文孝伯知不免死而不能處死者也

周宣帝傳字於太子闡自稱天元皇帝所居稱天臺尊皇太后為天元皇周主自稱天元皇帝

或問孔子立天王之號其作春秋代周室賞罰君子謂聖人以天自處也若周宣帝自稱天元后稱天后居稱天臺制稱天制勅稱天勅杖稱天杖豈

亦以天自處耶。曰：非是之謂也。苟即名而信之，則
 呂政者豈道同軒昊，德協堯舜乎？仲尼惟懼人之
 名實不相副也，故以天冠王，繫王於天，使稱之者
 顧名思實，則其職舉矣。周宣所僭者，蒼穹覆幬之
 名也。孔子所云者，高明無私之理也。名不可擬而
 理乃可，則是理也。叙之為五典，秩之為五禮，章之
 為五服，用之為五刑，使周宣能盡此理，于以稱天
 王，何難之有？惟不順乎理也。怒父杖已，恨其死晚
 而五典亡矣。居喪逾年，即恣聲樂，而五禮亡矣。公
 卿已下，常被楚撻，而五服亡矣。更為刑制，用法益
 深，而五刑亡矣。四者皆亡，天理泯滅，下同乎物，猶
 有不逮，顧且以天自名，非所當言而言，宜其瘖而
 不能言。所謂自作孽，不可逭者也。為天下者欲實
 副其名，惟不違於理，斯可矣。

隆初宋順帝使詔御正李德林曰云云宋本
 周隋公楊堅謂李德林曰：經國重任，欲與公共事，必

不得辭。德林曰：願以死奉公。堅大喜宋本

李德林文學才謀，在當時少比倫矣。然不知節義，
 故其所就無足稱者，事齊貴顯矣。及周主入鄴，則

論李德林不知節義

十二年

從之如水之赴壑，事周信任矣。及隋主竊國，則從之如鳥之投林，國移主易，漫無致命守死之操，有所不召，召無不往，有所不命，命無不承。方之妾婦，以順為正者，猶不逮焉。以是自將，文學足貴也，人反以為賤，才謀足用也，人反以為疑。終見斥踈，身名俱辱，非隋文寡恩也。德林招之者有數矣，素莽虞慶則勸隋主盡誅宇文氏，李德林以為不可。隋主作色曰：君書生不足議此。由是德林品位不進。

江左取國者，必殺前朝之子孫。如宋齊梁說者謂

其享國不永，由此致也。獨陳高祖與蕭梁子孫待之甚仁，而其國亦不永，何也？曰：此蔽人之論也。人之保其身者，於百骸四體五臟六腑兼所養，無尺寸之膚不愛焉，無尺寸之膚不養焉。也莽夫然後心廣而體胖，夫豈為心官足恃，而肺腸無用，元首在身，而肘腓可棄哉？無字本人君保國，何獨不然？必也衆政備善，百度無闕，然後治道完固，禍亂不生。夫豈以一事偶合而定無窮之基，小德適中而當聖賢之號哉？虞慶則備位大臣，無奇謀碩畫，以贊初政，顧請

除宇文氏非惟迎逢隋主忌克之心亦習聞前世
 弊風以爲故常耳李德林正言而不見信者國移
 君廢已無伏節死難之義而欲全彼破亡之宗宜
 隋主之忽其言也若夫以書生斥之云者猶胥險
 吏固疾儒士此則楊堅之本態也隋得天下無功
 無德特以姿相奇偉蓋與蕭道成同而其亡國則
 有二焉一曰隋文以胥吏治國二曰獨孤后以妬
 忌治家如是而已矣

蘇綽在魏爲徵稅法頗重歎曰今所爲重者非平世法
 隋以蘇威爲度支尚書初威父綽在西魏以國用不

足爲征稅法頗重既而歎曰非平世法也後之君子
也後之君子誰能弛之威聞其言至是奏減賦役
 誰能弛之威聞其言每以爲已任至是奏減賦役務

從輕簡

所謂世臣者非門地之謂象賢之謂也父祖既賢
 子孫克繼爲國者之所甚願矣父祖有嘉謀嘉猷
 爲國者惟恐其子孫之不能嗣也非惟君之望乎
 臣者然臣之願於君者莫不切切於是矣若前人
 之所爲不善惟恐其子孫之續之也非惟君之望
 乎臣者然臣之願於君者亦莫不懇懇於是矣自

論王氏之學
 百世小人所
 宗

熙寧革祖宗五世之政。為開邊聚斂之事。以失民心。基禍本。元祐削之。盡復于舊。天下晏然。衣食滋殖。紹聖崇觀。治改父之罪。遵達孝之文。未三十年。胡塵犯闕。兩宮北狩。中原塗炭。南北不合。其治亂之效。最為著明。而紹述之黨。堅持其說。猶不肯變。紹興作愚初嘗聞有一子舊弼謂愚子曰。元祐臣僚之子孫。必欲行其家學。而使人主子不得行祖考之志。此何理也。嗚呼。自紹聖而後。言紹述者眾矣。而未有深切中的。如此言者。人主而聞此。紹述之志。豈不益堅而

憂國正論。豈復可入。所謂一言喪邦。此類是矣。愚自藝祖創業垂統。四聖繼承。天下大定。既已熙洽。其有可損益更張者。不過太平日久。委靡頹壞。有司之事耳。以漸去之。其弊自革。而王安石欲一切改為。以從己學。此元臣故老為國深慮者。安得不強諫而力爭也。而紹述之人。於王安石愚盡變五朝之政。則以為可。於司馬光盡復五朝之舊。則以為不可。是王安石之賢。出乎一祖四宗之上。而開基享國百年善政。曾不如青苗助役保甲之為美也。

豈不悖哉。夫論於未然之時，而要其成敗，昧者不信，固宜也。成敗之迹已判，而猶敢顛倒是非，如舊弼之語，愚案予者，乃在戎馬生郊之後，其心亦獨何哉。彼蓋深曉王氏之學術，以適已為便，而王氏固百世小人之所宗也。其禍豈有既哉。悲夫。

秋七月隋主始服黃百官常服同於庶人惟以十三環帶為異
隋主始服黃百官常服同於庶人，皆著黃袍。隋主朝服亦如之，唯以十三環帶為異。

論隋文儉不中禮

服章之設，所以辨上下，定民志也。莫卑乎民，莫尊乎天子，而服同一色，上下無所辨，民志何由定。僭亂由此而生矣。古之聖王，自奉儉約，惡衣菲食，事天地宗廟，臨朝廷百官，則等級分明。故冕十有二章，黻、珽、幅、舄、衡、紘、紕、紝，以昭其度。藻、率、鞞、鞶、鴈、游、纓，以昭其數。威嚴尊重，禮無與二。然後人主之勢隆，非廣已以造大，理當然也。故晏平仲為大國之卿，一狐裘三十年。澣衣濯冠以朝。君子譏其隘，曰：難乎為下也。隋文儉約，施之官闈之中，燕私之用可也。與庶人同服，而坐乎廟朝，儉不中禮，不足以為法矣。

論獨孤后妬
忌之害大

讀史管見 卷十五
獨孤后家世貴盛而能謙恭好讀書言事多與隋主
意合隋主甚寵憚之每臨朝后輒方輦進至閣乃止
侯退朝則同反燕寢
必權任假外戚竟弟不尚將軍刺史
宋本

婦人有好勢位者漢和熹是也有好財賂者後唐
劉氏是也有好淫佚者魏之胡晉之賈是也有好
作亂者漢之呂唐之武是也若獨孤則無是四者
蓋以其志趣知之不必待攝制然後見也其失德
在於妬忌特甚耳帝臨朝則方輦而進俟帝歸則
同反燕寢他日帝有為八主不得自由之歎是帝

之行止出入后必隨而監視之非有勢位之貪財
賂之欲淫佚之過禍亂之念特在於禁切其夫其
失德莫大焉隋竟以是亡妬忌之為害豈小也哉
隋詔境內之民聽出家仍計口出錢營造經像於是
民間佛書多於六經數十百倍

論隋文踵魏
宗之弊


南之梁北之魏奉佛隆謹自佛法入中國以來莫
與為比矣所為如是者將以徼福也而魏與梁之
禍不待其子孫於其身已及之矣此隋文耳聞未
遠之監也而又踵其弊其意以謂造寺建塔飯僧

為崇奉之事未若廣其書之為益也故隋之世寺塔僧尼雖不若魏梁之盛而佛書乃增多流布讀之者眾則人不必造寺建塔為宋飯僧而其害之所浸若洪水之懷襄其不及者鮮矣然隋文亦自以為莫大之福也而其禍先及其身而徧及於子孫明效昭然而世猶罔覺邪說惑人一至於此則不若親遇桀紂其害猶小且將有除之者矣

十四年正月甲寅趙乙外小欽太子哀始興王叔陵等並入侍疾叔陵抽刀斫李中須乳陵有異志上殂太子哀哭俯伏叔陵抽刀斫太子皇

後來救又斫之乳媪自後掣其肘太子乃得免

古之聖人莫不以身為為後世法堯舜禹湯為君之法也舜禹伊周為臣之法也仲尼為師之法也顏回為弟子之法也堯禹文王為父之法也文王武王為世子之法也太子者國之儲君之貳一身而兼父子君臣之道責莫重焉武王為世子七十餘年一旦享國天下之父從之則太公是也王朝之仁人歸之則微子是也四方之友從之則八百諸侯是也使武王無孝稱無友譽有酒色淫淫之過



逸樂遊畋之愆，德善靡聞，而惡名是播，方保國之不得，而何有於代殷？彼其風行草偃，勢若建瓴，豈孟津三誓，牧野一言所能哉？蓋有以先之，非一日之積矣。陳叔寶之在春宮也，襲近小人，飲酒無度，朋淫比德，中外共知其不足以嗣承大寶，而為人。所輕侮，有素矣。誰不萌覬覦傾奪之心，而况於兄弟乎？是故方執大喪，猶未卽位，叔陵之刀發乎哀次，幾不免死，僅而得生，夫豈特叔陵凶悖之罪哉？太子有以取之矣。故曰三代之王也，必先其令聞。

召公述武王之美曰：惟冒不單，稱德為世子者，成敗之監。若此，其可易而為之哉。

長城公

至德元年

上創愈，置飲自慶，引羣臣展樂賦詩。既醉，召尚書毛

喜于時，山陵初畢，喜見之不懌，欲諫。則上已醉，乃陽

為心疾而出。上醒亦悔，召之，乃出喜為永嘉內史。

書曰：若生子罔不在厥初，生自貽哲命。陳叔寶為

太子無令德，既無其本矣。及遭非意，危得不死，能

思其故而克悛厥心力，務自修祈，補前行之愆，以

論陳叔寶過而不改

收將來之效，猶可以保其社稷，而有其土宇，乃於重服之中，置酒展樂，憎疾正士，益近儉人，是過而不改，無自新之意，樂其所以亡者，則何不亡國敗家之有，此初政也。而陳之不為，陳不待卜筮而決矣。

隋主以李穆功大，詔曰：法備小人，不防君子。太師申公自今雖有罪，但非謀逆，縱有百死，終不推問。

細隋文李穆
君臣交失

隋文以李穆為君子耶，則不當以百死罪期之。今夫市巷之人，屠沽之賤，孰有人人謀逆者，舍是謀

逆，亦未必人人有百死罪者，正使巷市屠酤有百死罪而不謀逆，李穆適與之比等，何足為上公平。自古未聞但不謀逆而有百死罪而稱為君子者，穆果有識，豈當受此詔。受而不辭，是將以百死罪自為矣。隋文之所以處其臣，李穆之所以處其身，於是交失矣。

隋主不喜辭華，詔天下公私文翰，並宜實錄。侍御史李諤亦以當時屬文體尚輕薄，上書言其弊。隋主以其疏頒示四方。

華艷付有司治罪詔以李諤前後所奏頒示四方

司馬史表

辭賦本於離騷而不逮騷矣宋本聲韻四六本於辭賦而不逮賦又遠矣。自屈宋本朱妙才創為騷文而論篤君子猶不屑好焉。矧烏有亡是長楊五柞之流乎。則其失而每下者從可知也。然後世方以之設科取士。於是讀書者不復講求義理。惟務摘採對偶。一韻爭奇。一字競巧。緝纘成文。去本愈遠。宋本父兄詔子弟。師長訓生徒。皆汲汲孜孜焉。不為此則不足以收聲名躋仕路。一旦得官。回視曩昔習芻狗之不如也。所用非所學。所學非所用。人才大壞。其害豈

小小哉。也然隋文不學。故雖欲變革而不得其道。以李諤所奏頒示四方。亦何所懲艾哉。夫理有中正。無往不然。為文者華則失之輕浮。質則近於俚俗。華而不浮。質而不俗。以之事上諭下。治道所貴也。今隋命公私文書皆實錄。將有不得於言者矣。又豈通論乎。

上惡聞過失。每有惡事。孔範曲為文飾。稱揚贊美。由是言聽計從。

君子樂道人之善。惡稱人之惡。况於君父乎。故春

秋為尊者諱。禮記善則稱君，所以廣忠愛也。然則孔範合義矣乎？曰：為尊者諱，諱其過失也。善則稱君，無善則不稱也。無善則不稱，有過而為之諱，非惟存肅敬之心，乃有諷勸之意焉。是愛君之深，而忠君之至矣。今範也以非為是，以惡為美，使其君安於失道，而無天怒人怨之虞，是君之大賊，國之巨蠹，豈得與揚善諱過者比乎？其君一時順於耳，契於心，而穢德腥聞，天下記之，野史書之，一夫諂言終不能掩萬世公議。然則君臣昏亂，相為諛說，亦徒然而已矣。或曰：成王命君陳以嘉謀嘉猷，入告而順之于外，曰：此謀此猷，皆我后之德也。不幾於詐偽者乎？曰：成王不敢以賢自挾，而倚重君陳，猶借聽於聰，託視於明之意也。雖然，其言則未免於滯。讀書者以意逆志可也。

隋度支尚書長孫平奏，令民間每秋家出粟麥一石，以下貧富為差，儲之當社。委社司檢校，以備凶年。名曰義倉。隋主從之。賑饑莫要乎近其人，隋義倉取之於民不厚，而置

論隋文當社
道倉可法

讀史管見

卷十五

五

倉於當社。飢民之得食也。其庶矣乎。儲備如此。他日關中大旱。民猶不免食粟糠豆屑。帝親帥之。如洛陽就食。况素無備乎。百姓知擠于溝壑而已矣。後世義倉之名。固在。而置倉於州郡。一有凶飢。無狀有司。固不以上聞也。良有司敢以聞矣。比及報可。委吏屬出而施之。文移反復。給散艱阻。往往監臨胥吏。相與侵沒。其受惠者。大抵城郭之近。力能自達之人耳。縣邑鄉遂之遠者。安能扶老携幼。數百里以就餽合之廩哉。能賑者其弊如此。若逢迎

上意。不言水旱。坐視流散。無矜卹之心。則國家大禍由此而起。如王莽之末年。元魏之六鎮。煬帝之四方。魚爛河決。不可收壅矣。必欲有備無患。當以隋文當社置倉為法。而擇長民之官。行劭農之事。

輔以揀荒之政。本末具舉。民之飢也。庶有豸乎。

施文慶沈客卿共譜傳緯受高麗使金緡下獄書曰陛下酒色過度不度郊廟大享事上每當郊祀常稱疾不行媚淫昏之鬼上怒賜死獄中

國家大禮莫大於事天。鸞旗法駕。袞冕鎮圭。千乘萬騎。清道而行。以對越乎上帝。其餘祀事。無得比隆者。豈非人君尊崇之極哉。而陳叔寶勸於行此。

論叔寶以小
人而乘君子
之器

蝶案

神宋

惟媾遊瀆會是好于以見小人下流之態矣。以天則不事而事邪鬼。以忠直則不近而近狎暱。以百姓則不恤而恤犬馬。是黃屋左纛。出警入蹕之中。居一小人焉。故易曰負且乘。致寇至。負也者。小人之事也。乘也者。君子之器也。以小人而乘君子之器。盜斯奪之矣。其叔寶之謂乎。

頽明元年

吳興章華好學善屬文朝廷以華素無閥閱競排詆
之除太市令華鬱鬱不得志上書切諫帝怒斬之

論章華不足繼洩治之後

綱目節錄其文

義焉。比干同姓之卿也。不得不諫。諫而死之。可以為仁。洩治異姓之卿也。可以去之。乃以諫死。不得為智。孔子曰。直哉史魚。邦有道如矢。邦無道如矢。君子哉蘧伯玉。邦有道則仕。邦無道則可卷而懷之。此聖人教後世以語默去就之法也。章華忠矣。然官非諫諍。職非御史。危言廟上。以蹈斧鉞。而其本心乃以見擯於時。鬱鬱不得志而發也。則雖死於直言。安得繼洩治之後乎。

太子深聰惠有志操容止儼然帝遇沈后素薄后淫恣未嘗有所忌怒言欲廢之立始安王深為太子深聰慧有志操容止儼然近侍

二年

論沈后陳深
無救於叔寶
之亡

未嘗見其喜愠帝遇沈后素薄張貴妃專後宮之政
后澹然未嘗忌怨身居儉約數陳諫爭帝欲廢之而
立張貴妃會國亡不果

內助得人後嗣有望則家國無破亡之道沈后儉
約不忌疾能規諫賢后也陳深聰慧有志操喜愠
不形賢太子也而不救陳亡何也叔寶驕淫昏溺
再戮直言儉佞在朝百度盡廢亡形已決所謂智
者不能善後之時妻子雖賢捧土以塞孟津夫何
禦滔滔之勢哉天無形也而不可致其怒民之卑

也而不可致其怨連年之水旱成黨之叛賊皆可
支也至於天怒而不覺民怨而不知則其亡也忽
焉如山摧土崩而已矣

隋大舉入寇羣臣請出師議久不決帝從容謂侍臣
曰王氣在此齊兵三來周師再至宋無不摧敗彼何為

者哉孔範曰長江天塹古以為限隔南北今日虜軍
豈能飛渡耶帝以為然故不為備縱酒自若

人勝險則畫地而守敵不敢攻且能攻敵人與險
均則長江峻山限帶封域足以自保人不勝險則

王氣天險
足恃

金城湯池與平原廣野等耳。故侯景雖桀黠，豈能
造宋勝曹氏父子。任約徐嗣徽雖善伺隙，其勢力何敢
望元魏盛時。乃或終身齟齬而不得度，或談笑倏
忽而濟師。彼天塹一也，特有人則險無人則夷。爾
方侯景之破梁也，蕭氏離破宋披臺城荒涼，湘東諸臣
如胡僧佑輩皆謂金陵王氣已盡，而陳高祖英武
奮發，又傳數世。是王氣未嘗盡也。特有人則王無
人則衰爾。且以王氣自居，則天象在南而應矣。連
二年正月日食，後一年五月日食，則叔寶所宜警

戒。而若無見焉。故周有天下，卜世三十，卜年八百。
而周公戒成王，乃曰有夏與殷之服，天命也。皆有
歷年，而我不敢知也。惟不敬厥德，乃早墜厥命。是
年十二月，沿江鎮戍各已告急，而陳之君以王氣
自居，其臣以天險足恃，曾不閱月，身為囚虜，不修
人事，而但言天時與地利者，卽此可以得師矣。
管見卷第三十六 隋高祖上
隋高頴先入建康，晉王廣令留張麗華，頴曰：太公蒙
面以斬妲己，今豈可留。乃斬之，廣恨曰：昔人云無德不報，我者以報高公也。
太公斬妲己，事不經見，而於傳有之。妲己見寵於

謂太公斬妲
已不必蒙面

君非由已也。而不曰無險詖之心。有警戒之道。恃寵稔惡。則其罪與廉來等。其死也固宜。太公之斬之也。亦必與眾共棄。何至蒙面而後誅之。必若此言。是太公陰悅其色。有不忍之心。抑情而行法。豈大賢之所為哉。史家失其傳。故不可不辯。得宋

隋紀

高祖

賀若弼韓擒虎爭功於上。高祖將保上。歛宋本
帝命高頰與賀若弼論平陳事。頰曰。臣文吏也。安敢與大將論功。帝嘉其讓。初帝之伐陳。問計於李德林。

開皇九年

至是欲賞之。或說頰曰。今歸功於德林。諸將必憤惋。且公有若虛行。頰入言乃止。

論高頰謙抑不能久假

人之心難乎其仁也。高頰對平陳之問。歸功於賀若弼。幾於仁矣。而信或者之言。沮李德林之賞。恐其掩已。又何不仁也。勉為謙抑。不能久假而遽歸之。功名不終。豈無因而然哉。

晉王康誅陳五佞也。未知孔範王瑳王儀沈攸之罪至長安事。並露帝投之邊裔。帝暴孔範王瑳王儀沈攸之罪。以江總為開府儀同三司。

孔範等所謂狎客亡陳之臣也。帝既知之。當戮于

論隋主訓臣于敗人家國

江南乃可謝吳越之人紆百姓之怨。既貸其死，又置諸邊，刑寬而義不類矣。江總身為宰相，不親政務，惟以賦詩飲酒陪從邪暱。蓋孔寧儀父之徒，楚子不殺仲尼所非者也。乃寵以尊位，還以厚祿，是訓臣子敗人家國而無後憂也。王世充虞世基字

文士及之徒，豈無所視倣而然哉。

何妥耻不逮譯等三議非十二律旋相為宮止用黃鍾一宮不假餘律帝從之萬
鄭譯請修雅樂詔牛弘何妥等議之積年不決妥自
實常樂燒為蕙成所抑宋本
負宿儒恐不逮譯等競為異議各立朋黨乃請張樂

試之。先白帝曰：黃鍾象人君之德，及奏黃鍾之調，帝

曰：滔滔和雅，甚與我心會。妥因奏上用黃鍾一宮，不假餘律。帝悅，從之。

音五爾，而律呂十有二，猶十二支而配十干。所以

變而不窮也。律呂陰陽也。闕一則不和矣。宮為君，

商為臣，角為民，徵為事，羽為物。今獨奏黃鍾而不

用餘音，是有君而無臣，無民無事無物。其為君也

不亦亢乎？何妥，佞人也。逢迎周宣立五后者，隋文

豈不知之，而命以典樂，妥能探其主猜防忌，克之

微而尊隆。君道寓意於黃鍾，帝果悅而從之。遂使

論府主修樂不當舍萬寶
 常而委何妥
 鄭譯牛弘之
 徒

古樂盡廢後世無所攷焉其害豈不甚哉且禮樂
 歷數有國之大事也王澤滅息易學不傳有欲議
 禮則紛如聚訟有欲修樂則諂承君意有欲正歷
 則必請殺異已者竟不能復三代之正况欲行先
 王之道乎夫論事莫驗於成敗之效萬寶常妙達
 鍾律樂聲雅淡必近古矣而為蘇威父子所抑及
 太常樂成寶常聞之曰亡國之音也淫厲而哀天
 下將盡矣不二十年而其言驗向使隋文以五音
 不可偏廢折何妥鄭譯牛弘之徒而專委寶常製

作雖不能救隋之亡而先王正音必不至泯絕於
 隋世矣雖然寶常知樂之聲音而未知樂之道也
 如知樂之道則其將死當以其書授之好樂者使
 傳于後而以不遇遂焚其書無廣博易良油然和
 樂之心故曰不知樂之道也

十年

上猜忌不悅學既任智數得大位因以文法自矜明
 察臨下恒令左右覘視內外有事過失加以重罪每於
 殿庭捶殺人

隋文將家子其不悅學而喜殺固宜然古之名將

論隋文以獄
 吏自為

悅學而不喜殺者亦衆矣。隋文天資既薄，重以家法，是以如此。曾不知君人之道，豈文法殺戮所能成乎。知道明理，以仁存心，雖不事文法，其行事固不違乎文法也。惟以文法為用，而不知道理，尚慘刻，妄寬恕，乃一獄吏耳。為天子而以獄吏自為，天下豈復有教化之功，仁義之澤。故隋之世，賢人君子潛伏在下，而所用者多便儂皎厲之小夫。建祚不永，豈偶然哉。

楊素取深嚴整其從者後功必倍故素惟取忠素亦不願從焉
 楊素用兵多權謀，馭衆嚴，每將臨敵，輒求人過失而

斬之，多者百餘人，少者四五十人，流血滿前，言笑自若。及其對陳，先令一二百人赴敵陷陳，不能陷陳而還者，悉斬之。又令二三百人復進，還依向法，將士股慄，有必死之心。由是戰無不勝，稱為名將。

伐讐討逆，誅暴解紛，兵之大用也。讐未復，逆未除，暴未誅，紛未解，則有不得已而殺人者，殺敵而已。未聞司馬法先殺吾人而使之致力於殺人也。特三令五申之曰：汝不用命，予則有無餘刑；予則孥戮汝，亦以警懼之，未必誠行之也。如楊素所為慘

論楊素慘毒不道

毒不道自英布彭越猶必羞之况韓信乎信驅市人而戰背水之陳躬帥士卒置之死地存與俱存亡與俱亡固不以無撫循之素嚴殺戮而用之也况素部曲皆練習精銳而所當者又纔尉遲迥漢王諒之徒乃殘忍如此而後成功稱為名將不亦

異乎

何安與薛威子夔議樂各有所持安遂奏威與盧惲薛道衡等以事同科等為國子博士何安與左僕射蘇威爭議事積不相能威夔為太子舍人與安議樂各有所持詔百僚署其所同同夔者十八九安怒遂奏夔與權吏部尚書盧

愷郎中薛道衡共為朋黨威坐免愷等除名名士坐者百餘人自周宣以來選無清濁及愷與道衡在吏部始甄別士流故涉朋黨之謗以至得罪

論何安有小人得君之術

隋朝朋黨之起由何安蘇夔議樂律而盧愷薛道衡別流品文帝不能察也樂律固所難知然夔掩抑萬寶常而伸己學則何怪乎安之排己而自伸也夔雖不如寶常之精深而並用眾律猶未若安之甚失至於甄別流品乃銓衡之要務君子所是而小人所非隋文兩俱不察惟安之信則以獨用

黃鍾之謫深入其心終不忘也而使朋黨獲譴者。宋本
 至百餘名士甚矣。安有小人得君之術也。人君之宋本
 甚惡者莫如朋黨。惟與小人合則好聞朋黨之言。
 而賢人君子罹朋黨之禍。而小人陽離陰比。內親
 外踈。實為朋黨者。人君不得而知也。此自古之通
 患也。

十四年

關中大旱。上遣左右視民食。得豆腐雜糠。上流涕自
 咎。為之不御酒肉者殆將一朞。親帥民就食洛陽。

論隋文勉勉於假仁

聖人仁覆天下。所施極於博。所濟及於眾。極如春氣
 生育。無不至者。君子善推其所為。老幼宋本吾之老幼。初吾初
 以及人之老幼。民亦咸備其澤。以力假仁。則其施
 有作輟。其濟有方所。不仁之人。其視身與百姓。猶
 金之於石。火之於水。不相涉入。漠然而已。隋文閔
 饑。感動其心。至於流涕。不御酒肉。至於一朞。勉
 於假仁。亦可以為民之父母矣。比之實不憂民。而
 外為文具。今日下寬卹之詔。明日放勸農之令。而
 牧民者貪虐掊克。以奉交征之意。自如也。豈不遼
 然。大有間乎其致。開皇富庶之俗也。宜哉。

皇太子為言此軍不可帝曰後

齊州刺史盧賁坐民饑閉糶除名遂終身不用皇太

劉昉等則我不至此然此等皆反覆子也

子言其有佐命功上曰微此數人吾不至此然皆反

覆子也。

論隋文本心
未嘗亡

隋文之初假黃鉞督中外也引司武上士盧賁置

左右將之東宮召公卿謂曰求富貴者宜相從往

往偶語有去就賁嚴兵而至眾遂莫敢動至東宮

門者不納賁叱之門開得入賁遂典丞相宿衛故

隋文之篡鄭譯劉昉盧賁之功為大若李穆則效

忠于外庾季才則談天子內李德林則奉命于已

綱目節錄其
文

然皆不若三人經營計畫之多也夫是非之心人

皆有之羞惡之心人皆有之隋文固險黠忮忍而

其本心則未嘗泯亡方其圖集大利以權數相須

則攘臂褰裳爭先相附者為能及夫所欲既得而

反○思○可○否○則○潔○身○顧○義○不○預○危○事○者○為○是○此○蘇○威

所以蒙殊常之顧而譯賁廢死劉昉極刑亦可為

傾覆輕薄厭常為新者之深監也

夏六月相刺豆盧通云云
相州刺史豆盧通貢綾文布命焚於朝堂

以華侈蕩上心人臣之大罪也當治其人以勵其

論焚其物不
若治其人

十五年

餘猶恐有不戒者。今第焚其物而闕畧其人。夫人有心而物無知者也。何刑罰之不類乎。然古之人君若此者數人。豈以為是而相因耶。抑所見偶同也。其意亦以謂焚去華侈。可以訓儉示俗。而效貢之人其心亦何惡焉。審出於此。人將窺見其微。不從令而從意。他日所獻必有甚焉。而人主之心不能常也。有時而入之矣。故曰焚其物。不若治其人。之為要也。

帝欲以六月殺人趙綽固爭帝曰六月必有雷霆遂殺之
 帝嘗乘怒欲六月殺人大理少卿趙綽爭曰季夏之

月。天地成長庶類。不可以此時誅殺。帝曰。六月豈無雷霆。我則天而行。何不可之有。

論隋文違天

則天而行人。若之道。堯舜禹湯文武之盛。由此而已。隋文所言。大哉王言也。而其事則非也。憲天者。以慶賞法春夏。以刑威法秋冬。以當理法其無言。以至公法其無私。以盡下法其自民。以不息法其行健。如此之類。乃則天之道也。雨露猶人君之惠澤也。雷霆猶人君之號令也。生成萬物之時。固有雷霆。而雷霆未嘗殺物。隋文取則雷霆。而乘怒殺

人其違天多矣。惜乎趙綽之不以是對也。或問雷霆何為而然者。有形耶有神耶。曰古人未之言也。然先達大儒亦嘗明其理矣。蓋天地之間無非陰陽聚散闔闢之所為也。可以神言不可以形論。非如異端所謂龍車石斧鬼鼓火鞭怪起之難信也。故其言曰陰氣凝聚陽在內而不得出則奮擊而為雷霆。雖聖人復起不能易矣。凡聲陽也。光亦陽也。光發而聲隨之。陽氣奮擊欲出之勢也。電緩小則震亦緩小。電迅大則震亦迅大。震電交至則必有雨。震而不電電而不震則無雨。由陰氣凝聚之有疎緩迅密也。曰世人所得雷斧者何物也。曰此猶星隕而為石也。本乎天者氣而非形。偶隕于地則成形矣。然而不盡然也。曰雷之破山壞廟折樹殺人者何謂也。曰先儒以為陰陽之怒氣也。氣鬱而怒方爾奮擊偶或值之則遭震矣。然而不盡然也。曰電之閃爍激疾如金虺飛騰之狀何謂也。曰光之發也。惟光爾。適映雲際則如是不當乎雲之際而在同雲之中則無此矣。凡天地造化之迹苟

不以理推，必入于幻怪偽誕之說，而終不能明。故君子窮理之為要也。

秦王俊好其妃崔氏性妬於瓜中進毒由是得疾其著侈免後官崔氏在并州奢侈越度盛治宮室多內寵其妻崔

氏毒王廢絕賜死於家妬於瓜中進毒由是得疾，徵還上以俊奢縱免官。

賜崔氏死。劉昇楊素諫曰：「秦王之過，不應至此。」上曰：

「我是五兒之父，非兆民之父，若如公意，何不別制天子兒律？」

論秦王俊者
獨孤后所深
惡

古者刑典於衆庶所犯則有贖，於親貴所犯則有議。天子之子固異乎臣下之子矣，故公族之罪也。

不以犯有司而刑之于隱，不與國人慮兄弟也。其

有死罪則磬于甸人而不肆諸市朝，亦為之素服。

居外不聽樂，為骨肉之親也。是故觀舜之處象，則

知父之處子矣。隋文以法律從事，無義方之教，由

不悅學問故耳。秦王俊好奢而峻宇，非大罪也。正

在所訓者，一不從則責其傳，再不從則削其祿。三

不從而後可免其官，豈有素不訓戒遽加重黜使

罪有大於好奢峻宇，又將何加以愚觀之。隋文怒

俊特不在是，正以俊有嬖妾孽子為妻所毒，此獨

十九年

孤后所深惡者宜隋文之肖之也

詔選東宮衛士入上臺高頴曰若盡取強者恐東宮

宿衛太弱分本上作色曰我有出入故宿衛須勇毅太子

毓德東宮何須壯士作何用邪三本此極弊法我熟見前代公不須宋本勿踵也三

仍踵舊風頴子娶太子表仁本故上以此言警之

隋文為帝王高頴為宰相而皆不學此傳說所謂以本

非所聞者宜其處大事而謬於理也康王為太子

嗣位之時太保召公命仲桓南宮毛及齊侯呂伋

以二千戈虎賁百人往逆以入以此見古者東宮

未嘗置兵矣不為之選擇端良師傅教以孝弟忠

信而多置兵此禍亂之本也頴不知楚商臣宋元

凶之事而欲東宮有強卒不監文帝以后戚移周

鼎之轍而為東宮論宿衛處人父子之間猶正墻

面而立自處君臣之際猶墮墮索塗而行言不信

而行見疑橫被廢黜自取之也

牛弘為吏部尚書選舉先德行而後文才務在慎審

所進並本用多稱職

世俗之見皆謂有才乃能稱職德行非所先也苟

論德行足用

論高頴不學

務求德行以濟世務。是以鼎而支奔轍。以驥而守門戶。執圭佩玉而馳逐趨走。安能勝乎。敗國殄民者。率由是言矣。夫莫難得乎民之敬。恭其上。莫難得乎民之不欺。其君莫難得乎民之各勉其事。季康子欲致此。而其道無由也。問於孔子。孔子曰。臨之以莊。則民敬矣。示以孝慈。則民忠矣。舉善者以教不能者。則民勸矣。不特是也。凡問爲政。見於論語所載。孔子一以躬行身率誨之。曾不及政刑法令之具。而貴捷給辨治之才。孔子豈不通世務。固使人尚樵樸。取魯鈍以從政哉。深思其故而考其事。則知世之爲姦爲貪。要功生事。上逢君惡。下爲民蠹者。非有德行之人。乃有文才之士也。牛弘之智。未必及此。然當是時。隋文以吏道爲君。正才能馳騫之時。而弘所見。乃爾卓異。且其所用德行之人。又多稱職。亦可信德行之足用。而不必才能之爲貴矣。又况能廣求賢人。舉而加諸上位。使表率能者。其效爲何如。或曰。孔子歎才難。而今不以才爲尚。不亦異乎。曰。才者爲善之具也。如舜之五臣。

周之十亂皆有聖人之才。而行聖人之道者也有才而不為善。猶駿足之馬而駭輿泛駕。是棄才也。孔子所歎以謂人之有才。必如此十五人者。然後無失。則信乎才之難矣。故曰雖有周公之才美而驕且吝。亦不足觀也。不驕不吝。惟有德為然。有才而不為不善。非德勝不能也。然小人往往有才而不知修德之方。厚於德而短於才者。固小人之所鄙笑。而人主所宜辨也。不能辨此。此治亂之分也。秦王俊薨。俊子浩崔妃所生也庶子曰湛群臣希旨奏于母曰欲求名上哭數聲而止。僚佐請立碑。上曰欲求名。

二十年

一卷史書足矣。何用碑為。俊子浩。崔妃所生。庶子曰湛。羣臣奏稱漢之栗姬子榮。郭后子疆。皆隨母廢。今秦王二子母皆有罪。不合承嗣。上從之。以秦國官為喪主。

一卷史書足矣。何用碑為。俊子浩。崔妃所生。庶子曰湛。羣臣奏稱漢之栗姬子榮。郭后子疆。皆隨母廢。今秦王二子母皆有罪。不合承嗣。上從之。以秦國官為喪主。

論隋文不仁

隋文之不仁也。秦主俊奢靡之過。亦富貴者常態。未足深罪。正在所訓勅使之知改而已。何至一怒不解。忍視其死。而無哀戚之情乎。人之至情。見孺子將入於井。皆有怵惕惻隱之心。已之子則厚乎人之子矣。而蔑棄恩義如此。率天下而路也。

何以使其子相友愛而生孝慈哉。史書並記善惡，以垂勸戒，非求名而可得書也。有善可紀，自然傳矣。隋文以此論史，意謂所載皆人之求名者，何所見之狡且鄙也。漢栗姬子榮，郭后子疆，未嘗隨母廢。母為帝后，則子為皇太子。母為王后，則子為王世子。安在其不得承嗣哉。羣臣希旨妄奏，而隋文聽之，皆由不學，遂為世笑。夫母以罪廢，而子無罪，猶不當廢其子。故孔氏三世出妻，而其子為後。自若此家法也。母廢死，非其罪，又併廢其子，且使國

官為喪主，於禮則無稽，於律則無傳，而隋文行之。

此特老胥慘刻侮文之所為耳。

冬至百官詣太子勇勇張樂受賀，上怒，下詔曰：皇太子雖居上嗣，義兼臣子，而諸方嶽牧正冬朝賀，事非

典，則宜悉停斷，自是漸生猜沮。

有天下國家者，莫先乎定禮制。隋文建國，至是二

十年，乃不為東宮定常行儀式。太子無過人之資，

安於僭差，不知其非其失在朝廷矣。則宜以漸變

更，使情與事愜。然後父子之恩不薄，而君臣之分

論隋文任術
數而不習義
理

以明乃遽下詔書驟加削損自生罅隙為讒賊之招開覆亡之禍良由自任術數而不習義理豈非

後世之戒哉

勇妃元氏堯雲昭訓專內政后你不平上后幸晉王廣知之彌自矯飾惟與以為不好色愛之特異諸子蕭妃居處後庭有子皆不育后由是稱廣賢大臣用

事者廣傾心與交雖婢僕亦稱廣仁孝上幸其第廣屏匿美姬惟留老醜者給事左右屏帳改用縑素故絕樂器之絃不去塵埃上以為不好聲色還宮甚喜侍臣皆稱慶由是愛之特異諸子

論隋文昏蒙
隋察

堯舜文武皆以聰明稱聰者無所不聞又聞於無聲明者無所不見又見於無形如此斯可以為天下主矣古人有云堂下遠於百里門庭遠於萬里為深居九重勢高而踈也雖聰明而不敢自以為聰明方且正心誠意循天之理而寄視聽於正直忠良之士以明四目而達四聰然後天下之事萬物之微無不昭晰而無能蔽之者隋文以苛察為能而不明正理以術數自用而不博眾謀故為人所欺而罔覺莫愛於妻而妻欺之莫親於子而子

欺之莫信於大臣而大臣欺之譬如聾瞽之人受
 玩股掌之上不亦可笑之甚哉父子雖異宮踈昵
 雖殊情然子生庶孽而殺之有侍姬而匿之好絲
 竹而掩之而已皆不得知焉則朝廷之間畿甸之
 外又安得而知之其昏蒙障塞一至於此雖使夏

啟周釗居元良之地亦將不免又况如勇者哉

上密令善相者來和視諸王對曰晉王眉上雙青隆起貴不可言

名籍甚尉渚王章鼎曰我諸兒誰得嗣位對曰至尊皇后所最愛者

當與之非臣所知也上笑曰卿不顯言耶

論隋文自為
禍

莫貴於皇太子矣尚何相其容貌莫定於父之統
 君之貳矣尚何問其嗣否未之嘗言也而有此意
 焉彼姦人桀黠固已深探其意而逢迎之况發問
 至于再三乎劉子政有云執狐疑之心者來讒賊
 之口隋文猜沮已萌故獨孤后之譖愬行于內來
 和韋鼎楊素袁充元胄之誣罔行于外公卿近臣
 曾不諫止獨元旻楊孝政二人以為不可亦安能
 救市虎之眾哉地必卑窳而後水潦聚氣必壅底
 而後癘疽出小人雖可惡其禍則文帝自為耳

論楊素惑于邪謀

智殊不及此。賴汝起予。
悅述以晉王之意說約。約以白素。素大喜。撫掌曰。吾
者惟楊素耳。述與其弟約相厚。請見約共圖之。廣大
約由素。按掌曰。吾智不及此。賴汝起予。宋本

楊素非特勇將。蓋亦知書。與懵然武夫有間矣。既
有殊功。又位上宰。君所信向。太子廢立繫其一言。子不廢宋本
耳。若明大義。聞約之說。登時發覺。執宇文述歸諸
司寇。顯加鞫治。請正典刑。一舉而太子安。邦本定。
藩王窺覷之禍息。大臣匡輔之功著。豈不美哉。萬

分一有如不濟。正諫而死。亦無愧矣。乃惑於邪謀。
顧私而動。既亡人國。又殄其宗。嗟夫。素所謂智不
及此者。非不能及於惡也。乃不能及於善耳。豈非

人臣之大戒哉。
後數日。素入侍。宴。微稱晉王孝悌。揣后意。后泣曰。昔兒其孝愛。素因益言太子不才。
素入見后。后盛言太子不才。后遺素金使贊上廢之。宋本
后遂遺素金使贊上廢之。宋本

白移易是非。自古有天下國家者。所深惡。為其末
流。至於販君而賣國也。故受賕之罪。有至死而不
赦者。則未聞為人之母。妬其子之有妾。怨毒憾怒。

論獨狐后妬其子之有妾

如非已出而納賂於權臣使說其君而廢黜之者。妬心一發若崑岡之火不可撲滅其烈如此夫虎豹食人而不食其子人莫不愛其子也而婦人尤甚今以妬忌之故虎豹之不如而或猶稱獨孤后

為賢能佐隋文取天下豈未嘗考其心術耶

上知勇不自安使素觀勇所為素還言勇志望甚有定變后又遣人伺勇憂懼不自安上知之使楊素觀勇所為素至東宮

覘東宮因加誣飾以成其罪素故久不進以激怒勇勇不

平形於言色素還奏勇怨望上疑之后又遣人伺覘東宮纖介事皆聞奏因加誣飾上遂疎勇

論隋文帝信
謹獨孤后長
舌

隋文於勇之事其可悲矣勇不當疑也以失愛而疑之素不當信也平日以久任而信之既知勇不自安

而欲察其情獨無忠信可使之入乎而使素往哉

素至東宮所以激怒勇者乃兵機將畧臨敵致師

之術柰何施於國儲君副乎隋文聞其譖毀太甚

心亦致疑而又入獨孤巧言不復加慮自此勇之

廢黜決矣詩不云乎君子信讒如或疇之君子不

惠不舒究之盜言孔甘亂是用餒其隋文之謂乎

又曰懿厥哲婦為梟為鴟婦有長舌維厲之階亂

論袁充奸邪
在楊素之右

匪降自天，生自婦人。其獨孤后之謂乎？悲夫！
太史令袁充言：臣觀天文，皇太子當廢。上曰：「玄象又見，羣臣不敢言耳。」

袁充職在占候，既觀天文之異，其日歟、月歟、星辰歟，必有可指者。昭昭在上，惟無目則不能見焉。乃泛然而言，不端陳其事，其矯誣上天，姦邪大惡。又在楊素之右矣。而隋文和從其說，謂玄象久見者，蓋自喻也。又比殺戮於雷霆之意耳。君臣以深情相中，而以天文相質，悖理如此，何以克享天心乎？

廣賂東宮幸臣姬威，令告太子過失，威從之。上怒，九月壬子，御殿集百官，責東宮官屬。令素鞠勇，素舞文君能告之則大富貴，威即上書告之，鍛鍊以成其獄。十月乙丑，上戎服陳兵，御武德殿，宣

詔廢勇，勇再拜泣下，舞蹈而出。左右莫不閔默。

論隋文心術
如獄吏

王者聽刑訟，必原父子之親，立君臣之義，以權其中。意論輕重之原，慎測淺深之量，以別其趣，悉其聰明，致其忠愛，以盡其情。獄辭既成，史以告于正，正聽之矣。乃以告于大司寇，大司寇聽之矣。乃以告于王，王尚不敢決也。命三公參聽之，三公僉以

為成矣。王然後制刑。其審如此。今隋文於太子專

用楊素姬威文致之言。言如進請如重聽之增怒詔聖隨多九臣以美

廢之。蓋隋文心術如狡慘獄吏。平日以此鍛鍊無

辜者。楊素得其微而逢迎之。故以世嫡之重。天下

之本。萋斐動搖。如拉枯朽。表之所示。影之所從也。

其刑之施於子者如此。則他可知矣。家國之亡。豈

特煬帝之罪哉。案年

上切責東宮。官洗馬。李綱曰。太子本中人。鄉使擇正

人輔之。足嗣鴻業。乃以唐令。則鄒文騰為庶子家令。

此二人惟知絃歌鷹犬。娛悅太子。安得不至是邪。上

不悅。

東宮失上后意。宇文述締交楊約。而楊素傾搖東

宮。亦已久矣。播揚失德。非秘事也。李綱身為宮僚。

安得不知。雖在下列。均於所事。盡具以所聞奏白

于上乎。及九月壬子。上御殿。言鞫治。至十月乙

丑。猶十有四日。雖事已危迫。尚可進見。而綱亦無


所陳論。及儲后已廢。唐鄒已誅。乃始稱太子之資

才。列二人之邪諂。以咎廢立。夫何益矣。原綱之失

致堂先生讀史管見 卷第七 隋高祖下

論李綱不房 決

所謂成事不說 事不諫者耶 案本 多此言



論隋文自召
大禍

非智之不及也。特不勇決而已。

孫三十一月戊子立廣為皇太子。天下地震。囚勇於東宮。太子清降卓服。官官不

付廣掌之。稱臣詔從之。囚勇於東宮。太子掌之。

異莫異於天地之變。地震必有方所。見於漢魏至

六朝。其大者不過教奉二十餘州。亦極矣。未聞方輿盡

震也。地者子道也。臣道也。宜靜而動。其震之日當

太子初立。不在前後。與事相符。四海九州同日而

震。其變大矣。其為厚載不寧。將有傾側之象。亦著

矣。且天無廢太子之文。姦諂妄言。而隋文信以為

實。地有不當。易太子之異。蕩搖隄杙。而隋文漫如

不聞。其於天地尚如此。設有強諫。必不從也。假如

故太子誠以罪廢。屏之遠方。可爾。而付今太子掌

之。是弟囚其兄也。弟而可以囚兄。則子制父。何難

焉。他日帝疾病。上臺宿衛。與後宮妃嬪。盡見屏遠。

遣腹心入侍。而大禍倏興。蓋自文帝召之矣。故曰

其所由來者漸矣。

房玄齡杜如晦皆預選。吏部侍郎高孝基名知人。見

玄齡嘆曰。異日必為偉器。見如晦。謂曰。君有應變之

論人君當汲
汲求賢

才必棟梁之重宋本多字俱以子孫託之。

隋文以詐力當天命無人物之鑒高頴在當時為

第一流既以讒廢牛弘李綱不敢批逆鱗嬰酷虐

之鋒自餘無聞矣然一世之人如一世之物各足

以周一世之用故藥之空青玉札寶之金珠犀象

木之梗楠豫章未嘗聞前代朝費而後代無有也

人材者五行之秀氣五行與天地無窮則秀氣亦

安有終極哉特在上者無意於用之而不永耳大

唐開基以至太平房杜之功也而二人生於隋世

已登仕版文帝果可與有為斯二人者亦豈肯埋

光鏟采碌碌百宋本下僚而不願聞達哉後之人君讀史

至此當起汲汲宋本求賢之意要天下之仁人君子皆

為我用而猶未以為嫌是則永世永年之道也。

袁亮表稱隋興畫日漸長上古畫長之慶天之祐也今太子新王當須

太史令袁亮奏隋興已後畫日漸長開皇元年冬至

之景長一丈二尺七寸二分自爾漸短至十七年短

於舊二寸七分日去極近則景短而日長去極遠則

景長而日短行內道則去極近行外道則去極遠京

讀史管見

卷十五

四三

宋本文帝二字後
天下缺一字

仁壽元年

日長振古希有、上悅於是改元仁壽、以取日長之意也、至於百工作役、並加程課、

論內不足者
甘受佞人

道德備者喜聞規諫、內不足者甘受佞人、夫佞人之為諂言也、稱其所無者貪則譽其廉、汗則誇其潔、慘酷則謂之嚴斷、苛察則謂之詳明、而內不足者以不足為歉也、是以樂入其說、不復計是非虛實也、景短日長之論、豈待聰明然後能辯也、而文帝信之、夫日一日一周天、其度三百有六十五度四分度之一、不可過也、若有長短、則月之應日以死生星辰之隨天而進止、皆當與日同其晷刻、則四時寒暑皆不當序、而造化之功紊矣、是故君子有言、凡人居覆載之內、而不識天地之所以為天地、在照臨之下、而不識日月之所以為日月、蚩蚩之民何責焉、學者如是、其闕大矣、又况於人君乎、今也為人所欺、如玩嬰孺、由不學故耳、故學者人君之急務也、

帝雲起奏柳述驕豪兵機要重罪其所堪帝顧謂述曰雲起之言汝亦在雲起外

柳述尚公主為兵部尚書怙寵使氣帝問韋雲起外間不便事雲起曰柳述驕豪未嘗經事徒以主婿遂

論柳述可師

居要職亦不便之大者。帝謂述曰：雲起之言，汝藥石也。後有詔內外官舉所知，述舉雲起，除通事舍人。

韋雲起譏論柳述而述舉爲所知，其誠心服義歟，未可知也。其矯情要譽歟，未可知也。然聞過被劾，而能不忿不怨，稱而達之，如出於誠心，可不謂之賢矣乎。如出矯情，可不謂之勉於善乎。是皆可師也。

案此言后獨孤氏獨孤皇后崩，太子對上及宮人哀慟絕氣，若不勝喪

者，其處私室飲食言笑如平常，以下數句案本無又每朝令進二溢米，

而私令外取脯鮓，置竹筩中以蠟閉口，衣襪裹而納之。

論隋文不能
祭子

世無安而行之之人矣，得見利而行之者斯可矣。

世無利而行之之人矣，得見勉强而行之者斯可

矣。勉強之行，若矯若僞，是故輕薄子之所譏議訕

笑，以爲禹行舜趨者然。其譏議訕笑，亦未可全非。

以世有其人，如隋煬帝是也。故夫君子小人之辨，

矯情飾貌，而趨向在善，謂之新宋本勉强而行者，矯情飾

貌，而趨向在惡，此乃少正卯之徒，聖人之所必誅。

而不赦豈得與勉強為善者雷同而論哉。煬帝深
知父母忌克宋本深坊妬害有成心。易欺罔也。所本故匿姬妾。殺

庶子。去聲樂。尚儉素。以中母意。而傾東宮。則又造

孝思為哀戚。盛擗踊。假毀滅。以中父意。而固其位。

而隋文一不能察也。嗚呼。知人實難。矧曰愛子。以

帝乙之賢。尚蔽於紂辛。而况隋文。又何責矣。夫惟

帝堯心如明鏡。廷臣以啟明。譽丹朱。而堯以器訟

知其惡。天無私覆。日無私照。其萬世帝王之法歟。

西寧州諸酋長以金遺梁毗。曰汝等以此相攻。本不可勝。教令將梁毗為西寧州刺史。蠻夷酋長皆以金多者為豪俊。

通相攻奪。毗患之後。因諸酋長以金遺毗。毗曰。此物

欲殺我。我亦無所恃。重感感不相攻擊。宋本飢不可食。寒不可衣。一無所受。於是蠻夷感悟。遂不

相攻擊。

論梁毗者張
負之流

黃金天下之寶。人所欲也。盜賊則攫之。貪夫則藏

之。夷狄則爭之。介人則遠之。豪士則散之。仁人君

子則本所欲不存焉。梁毗者。其張負之流歟。知廉清之

可以服貪爭也。一無所受。而諭以怨隙之所由起。

不獨言教。且以身率。雖夷狄尚且感悟。而攻擊以

消。况於昭儉德。以照臨百官。其效當如何。彼新室

之櫃武陵王之篋畜之無厭祇以賈死亦獨何哉
而以富不可忽誨人也。

三年

王通詣闕獻大平十二策上不用罷歸

論王通為儒而不知道

伊尹於湯無素也感其三聘然後萌幡然之心伯
夷太公於文王非相邇也聞其養老然後有歸乎
之歎孔明之於先主昧平生也蒙其枉駕然後起
感激之意所謂待時而動樂則行之大人之事也

綱目節錄其

隋文在位二十有三年其賢其否固哲士所量以
行藏其道者使王通而不知或知之而與之言皆
不足以為智將何處乎孟子曰大有為之君必有
所不召之臣欲有謀焉則就之其尊德樂道不如
是則不足與有為也通誠有太平之策不待君之
求之而登門自獻抑亦異乎不召之臣矣且隋主
以篡奪得國而君臣之義盡為妻所鉗制而夫婦
之道乖以讒言廢東宮而父子之恩滅此三者為
天下本甘受和自受采忠信之人可以學禮皮之
不存毛將焉傅乎于時賊嗣胎禍忠臣踈斥四海
之勢駸駸潰敗而通方談太平之策豈直不能見

幾蓋亦不能睹形。殆類一腐儒耳。是何也。此爲儒而不知道之蔽也。或問自秦漢至五代千三百年。知道之儒有幾人。曰難言也。學問之富。德義之修。節行之高。則多有矣。盡見道體。臻其曠奧。言之而當。行之而允。非得其傳者。孰能與此。姑列其降者。荀况董仲舒楊雄王通韓愈章章著矣。况也正而失之駁。舒也粹而失之泥。雄也潛而失之懦。通也懿而失之陋。愈也達而失之淺。董子有云。爲人君父而不知春秋。前讒後賊。不能見也。必蒙首惡之名。爲人臣子而不知春秋。守經遭變。不能處也。必陷誅死之罪。又曰。仁人者。正其義。不謀其利。明其道。不計其功。此董子之格言也。而其事君則納忠。行已則守禮。表章經術。而黜滅邪說。其功不在孟子之下。此董子之善行也。韓子有云。堯以是傳之舜。舜以是傳之禹。禹以是傳之湯。湯以是傳之文武周公。文武周公傳之孔子。孔子傳之孟軻。軻之死。不得其傳。此韓子之要語也。而其事君則直言。守道則不惑。力排釋老。以扶皇極。其功亦可亞於

仲舒此韓子之勤力也。故董氏韓氏比之三子為
 又賢焉。荀卿尊仲尼而非子思。賢子弓而毀孟軻。
 以性為惡。以禮為偽。非正而駁。歟。子雲用心於內。
 其思深沉。凡所立言。依倣大訓。而莽賢之際。龜勉
 苟容。非潛而懦歟。文中子讀書談道。躬耕自娛。累
 徵不起。而於隋文說非所說。於述經作非所作。非
 懿而陋歟。而三子立言可為法於後世者。益抑又鮮
 矣。此五人者。皆希慕洙泗。不甘於弟子之列者也。
 而成就止此。况訓詁箋註之流乎。以是知學之不
 易為也。今夫奕之為數。小技也。射之為事。末藝也。
 而有無敢與戰者。至於斲輪削篋。操舟之工。刻楮
 刺文。繪事之巧。累丸升竿。承蜩履稀之習。是非有
 道德之意。仁義之旨。及其精能之至。則疑於不可
 思度。而况人之所以為人。有大於此者乎。老氏知
 之。故有真以治身。土苴以為人之說。而其所謂真
 者。未免一曲之蔽也。佛氏知之。故有不立文字。指
 心見性之傳。而其所謂性者。未免背理之失也。雖
 然。其指之有故。而言之成理。得其宗者。方且師表

一。世輕賤儒術。自以爲道之所在而業儒之士。平日專精乎誦數。刻苦乎詞藝。以多聞博識爲淹該。以辨析同異爲詳審。或記謚族譜系之差殊。或考郡國方物之名數。是皆不足以爲已。設問以默而識之者。何所識。欲自得之者。何所得。行藏有是者。何所有。卷而懷之者。何所懷。感而遂通。何以爲寂然之易。無聲無臭。何以見文王之孚。則意塞而莫通。舌舉而莫對。乃反僕僕數拜於浮屠氏之前。面壁灰心。身若槁木之枝。以求其所謂一超頓悟者。沒世窮生。泊然兀然。竟亦無得也。爲儒至此。曾不如向之工巧技藝而造其妙者。不可深思而求其故乎。子雲諸人。亦可謂豪傑自立者矣。其於孟子。蓋未能窺其藩而齊其敵。又况於孔氏乎。彼顏回高堅前後之嘆。子貢立行來和之稱。子思明動變化之誠。孟子不可知之之聖。豈徒爲空言而終不可至乎。告諸往而知來者。豈不在於求仁而得仁乎。亦信子雲諸人未嘗從事於斯乎。亦知孟子之後復有得其傳者乎。夫口耳章句紙上語。何足以

入德乎歸而求之有餘師。又何必舍中國而從夷

狄之教乎。

楊素條事狀報太子大恚呼述者百兩素矯詔執述者案
上寢疾於仁壽宮。楊素、柳述、元巖入閣侍疾。召皇太

子入居大寶殿。太子慮上不諱，須預防，擬手自為書

封出問素。素條錄事狀以報太子。宮人誤送上所。上

見而大恚。陳夫人為太子所逼，夫人拒之。上怪其神

色有異。夫人告曰：「太子無禮。」上抵牀曰：「畜生何足付

大事。獨孤誤我。」乃呼柳述。元巖曰：「召我兒。」述將呼太

子。上曰：「勇也。」述巖出閣為詔。楊素走白太子。太子矯

詔執述巖繫獄。追東宮兵帖。上臺宿衛。門禁出入。並

聽宇文述節度。令右庶子張衡入侍疾。盡遣後宮出

就別室。俄而上崩。故中外頗有異論。

隋文於故太子勇睽疑之極。故嘗言自仁壽宮還

京師。如入敵國。他日又言畏其加害。如防大敵。然

勇實無是也。未嘗如元凶劭之享衛士。未嘗如朱

友珪之結統軍。大索東宮。纔得取火槐木數千而

已。而以今將被廢。勇不能司伸也。卒之追宮甲帖

禁衛盡出後宮。獨留心腹侍疾。而帝暴崩者。乃獨

論隋文信所
不當信疑所
不當疑

孤后所謂大孝愛之晉王而隨文信之立以為嗣者也莫親乎父子莫近乎父子疑所不當疑而加以謀逆之名信所不當信而被其弑殺之禍亦可為聽牝雞之晨忽主器之重者之永監矣柳述元巖親逢事會此于載一時也則當白帝併召楊素楊廣入閣當帝前質問陳夫人明正其罪降詔廢廣熟議故太手可立則召之否則別命子孫之賢者素若不從請以軍法從事登時而宗社定矣乃出閣為詔受制於賊俄傾之間轉福為禍述巖死有餘責矣故曰知幾其神乎間不容髮之時應而不失其知幾乎

清河後人張聞升重校

讀史管見卷之十五 終

讀史管見卷第十六

宋建安胡寅著 明太倉張溥閱

隋紀

煬帝

漢王諒為并州總管高祖崩帝以高祖璽書徵之先
煬帝以高祖徵之諒知有變乃遣使唱言楊素
反將誅之 高祖與諒密約若璽書召汝敕字傷別加一點及發
書無驗諒知有變遂反從諒者十九州王頰說諒宜
長驅深入直據京都諒不能用唱言楊素反將誅之
舉兵必有其名立事不可行詐陳勝吳廣誅秦無

仁壽四年

論漢王諒舉兵詐而無名

隋紀 卷十五

道兵有名矣。而狐鳴魚書，乃行詐焉。沈攸之、袁粲，為宋討賊，事不詐矣。而螟蛉是助，乃無名焉。隋文之崩，雖宮省事秘，而史已載云：當時中外頗有異論，諒獨不聞耶？借曰未審，而所被璽書，不如高祖私約，即可用此聲問，大行寢疾，晏駕不明之故，以十九州附從之眾，用王頰長驅深入之策，既近京師，則國喪情實，理必彰露。天不共戴，死生以之。豈不忠孝兩得乎？而詭言素反，為是舉兵，是詐也。詐而無名，是自為逆也，而可乎？

綱目節錄其
文

諒兵敗請降，除名為民，竟以幽死。坐死徙者二十餘萬家。
諒不從，退守清涼，楊遵擊大破之。

論漢王諒
無所見

臣而在遠，不敢頃刻忘君，必有天威不違顏之心，然後為忠。而况子乎？雖爾身于外，安得頃刻忘父，必有食坐見於羹墻之念，然後為孝。隋文五子，自去其三，獨漢王諒最蒙寵愛，上不豫，凡五十日，自并至雍，非有甚遠，入奉起居可也。既不能然，請問崩故，以兵從之，可也。楊素出拒，是為逆黨，聲言其罪，吾士氣自振，師直而壯矣。有如一勝，赴敵而死。

可以見先帝于地下。人子之道亦無負焉。既失上策，又忽至計，兵敗窮蹙，乃至請降，死於讐賊之手，志節名義，一無所見，何足道哉。案齊書何足道哉。

初高祖與獨孤后誓無異生之子，嘗曰前世嫡庶分爭，或至亡國，朕五子同母，豈有此憂耶？又懲周室諸

王微弱，故使諸子分據大鎮，及其晚節，父子兄弟迭相猜忌，五子皆不以壽終。

案齊書辛伯有言，內寵並后，外寵貳政，嬖子配嫡，大都耦國亂之本也。高祖徒知嫡庶之多爭，孤

弱之易搖，曾不知勢鈞位逼，雖同產至親，不能無相傾奪。考諸辛伯之言，得其一而失其三乎。

仲尼，聖父也，伯魚，賢子也，以聖父教賢子，其言曰：汝為周南召南矣乎？人而不為二南，猶正牆面而

立耳。夫周南首關雎，召南首鵲巢，皆言后妃夫人佐助君子之道，有男女則有夫婦，自生人以來，誰

獨不然，何待明於二南而後無面牆之蔽乎？君子之學也，抑足於周南召南而已乎？曰：此聖哲之格

言，天地之常經，人道所由立者，以淺近而論，則失

論隋亡錄於
獨孤氏無關
離之德

之矣。夫之職莫大乎刑家。婦之德莫盛乎不妬。關雎之詩專言后妃不妬忌之美也。次之以樛木申之以螽斯。重之以桃夭。而終之以召南之小星。二南之詩二十有五。其美后夫人之不妬忌者居五之一焉。其化之應則又有兔苴芣苢麟之趾。標有梅騶虞之篇。其意以謂王后不妬忌於上。國君夫人不妬忌於下。不獨王與諸侯子孫衆多。天下化之。婦人皆樂有子矣。夫樂有子則無間於彼我。是庶人匹婦亦有賢行也。人治如此則陰陽得其道理。而天地之和應之。麟出于郊。庶類蕃殖。葭蓬茁茂。豨豕之屬亦不可勝用。而王道成矣。後世於五經蓋亦謂嘗經聖人手。不得不讀其讀之也。口諷吟而心不信。以爲古今異。便陳迹難遵。故平城之圍。非舞干所能下。亂秦之緒。非結繩所能理。后妃一人。修德于閨闈。突與_{與突}之間。而使天下化之。人人無妬忌之行。至於鳥獸若草木。豈不大有逕庭乎。夫經所明者理也。史所紀者事也。以理揆之事。以事考諸理。則若影響之應形聲。有不可誣者矣。

隋文爲獨孤后所制，狡謀哀誓，捷而箝之，蓋嘗手
办宮嬪，帝不能正，於是無異生之子，而同母五男，
觀以常情，不慮事變，則庶孽窺覲之患，誠無自而
生矣。獨孤氏不勝媚嫉，既禁切其夫，又憾恨其子，
勇也，雖中人之才，而大惡不彰，特以寵近一姬，誕
育稍衆，讒言罔極，遂見廢黜，而多欲淫慝之人，矯
情飾貌，誘取信愛，傾奪宗嗣，堂堂大隋，全撫四海，
夷狄賓服，宇內晏如，曾不十年，盜賊充斥，獨夫授
首，而祚祀圯矣。方隋之盛也，郡縣民戶，上版圖者，
八百九十餘萬，自王薄竇建德高士達爲倡，而山
東盡爲盜區，是後四方並興，擁衆十數萬，而加多
者垂五十黨，以郡縣反者尚不與焉。至唐武德六
七年間，蓋干戈雲擾，狼吞虎噬者，十三四年，而後
內盜悉平。後二年太宗卽位，貞觀仁義之治興，涵
養休息，至高宗永徽三年，天下樂業阜生，將一世
矣。有司奉命世宋本口纔及三百八十萬，然則畧會之隋
氏極盛之民，則敗宋經亂離之後，十存不能二三，皆起於
獨孤氏無開睢之德，廢長立少，而其禍至此，然後

詩史管見 卷一 五
知古詩垂訓之義至深至遠。不可以爲空言而弗信也。是故塗山興夏。任姒造周。易基乾坤。詩首二南。而堯欲以天下授舜。釐降二女。觀其刑家。旣嬪于虞。則舜之德能化人也審矣。是故恃強怙大。縱情性。暴威武。顰呻齟齬。則其來本千人喪元。攄忿洩怒。則百城流血。視棄賢才。猶棄弁髦。土梗視殺骨肉。猶殺雀鼠雞豚。其酷談凶德。天下莫敢當也。而大欲所牽。一入婦人掌握。不啻如馴馬在御。進退疾徐。惟六轡之聽。向之雄強悍桀。加於人者。了無所施。反以殞其身。害于家而凶于國。是故聖王之道。必先誠意正心。以自治其身。正。然後能齊其家。其家理。然後能治其國。事若緩而効速。行若迂而勢順。及其治定功成。能使中國爲一人。而天下爲一家。兵寢刑措。唐虞之時。成康之世者。豈欺我焉。我第司馬氏獨以大都耦國。斷隋之所以亡。曾不知內寵。獨孤。外寵。楊素。次子奪嫡。乃隋之所以亡者。若秦王。俊。蜀王。秀。未嘗舉事。先被廢斥。漢王。諒。雖已起兵。尋卽摧敗。大都耦國。豈能爲隋膏肓之疾歟。

致堂先生讀史管見卷第十八
煬帝

築西苑周二百里其內為海海北有龍鱗渠綠渠作

十六院堂殿樓觀窮極華麗宮樹宋本無此字秋冬凋落則剪綵

為花葉綴於枝條色渝則易以新者常如陽春沼內沼中亦然

亦剪為荷芰菱芡每乘輿遊幸則去水而布之

聖人之養民也於民之所不能用者猶裁成相協

之使咸得其所如罔罟耒耜舟楫杵臼弓矢宮室

棺槨之類至於治麻絲為酒醴有宋本和金石草木以成

湯劑救瘡札皆是也則未有糜大用歸於無用者

也民之大用莫大於衣食是故天子親耕供粢盛

率天下之農氓王后親蠶為祭服率天下之婦功

二帝三王以來莫不然其不可緩而重之如此今

乃取綺羅縠帛以被卉水木宋本為美觀加之沈染工技

之費而歸於無用其比之暴殄天物者厥罪均矣

臨川有言人主役使群動費而不為侈毀綵製花

是亦役使群動為大費也得謂之侈乎一婦不

織天下或受之寒隋家凡幾宮宮凡幾樹苑中之

沼也凡幾所以新易弊為之不窮則一歲之中用綵

豈可計而天下之寒者眾矣自隋歷唐以至于今

變奢為儉
自宮禁始

讀史管見 卷十六
五百年不聞造花以被卉木矣。而綵花之習猶在也。通四海九州而會之。則於宮樹苑沼相去幾何。又有摩金為服。飾裏偶像者。卒伍之妻。商賈之妾。倡優之人。釋老之宮。莫不誇多鬪靡。雖有大禁。而莫之行也。孔子曰。上有好者。下必甚焉。詩曰。爾之教矣。民胥效矣。必欲惟土物愛。不作無益。革薄從忠。變奢為儉者。當自宮禁始。而必行其禁。庶有瘳乎。

帝頗惜名器。羣臣當進者。多令兼假而已。雖有闕員不補。

論煬帝靳惜名器祇足失士

名器君之所司。不可以假人。古之格言。人君之要守也。煬帝能惜名器。當遷進者亦不輕授。而令兼假。寧闕其員。詎非賢乎。曰。此似之而非者。烏得賢。夫煬帝貪欲忌克人也。貪欲故吝。忌克故狹。以狹心行吝意。雖雁門危困。僅脫。猶減削將士勲賞。況平時而肯以官爵與士大夫乎。然亦未必不有輕視士大夫之心。以謂莫足以當我之官爵者。當是時。興唐才智之臣。皆如金玉隱於沙石之中。而獨

綱目節錄其文

讀史管見 卷十六

蓋子頂羽印元
不思予人同無
益於國
宋本多十幸

論楊素受疑
兩君

與宇文述裴矩裴蘊宇文愷虞世基數人歎弄天
下以取亡敗則其靳惜名器祇足失士以為他人
之資耳。

帝特猜忌楊素大史言隋分野有大毒乃徙封素為楚公素寢疾
楊素雖有大功特為帝所猜忌素寢疾帝恒恐其不
死素自知名位已極不肯餌藥曰我豈須更活耶

楊素廢東宮黜蜀王秀禽漢王諒以扶煬帝前後
三被賞賜通受帛一萬一千段綺羅千匹妓妾二
十人及金寶車馬之屬方其未得此也楊氏資產
已不可勝會僮奴各數千人然則三賜雖多於繼
富也亦何有而官為上宰爵祚大國亦無以復加
借曰吾不為是姑為自安之計耶而前則見踈於
文外優崇而實奪之權後則見忌於煬示殊禮而
恐其不死素也尊榮兩朝受疑兩君心不遑寧病
不敢療惴惴然首領是虞自伐而死然則向之所
為無乃徒費耶不為是而死豈不忠且榮耶不為
是未必有禍豈不賢且安耶是故君子莫大乎由
義以聽命以義有不利而不肯由以命有難知而
不肯聽其為小人也無所不至矣

讀史管見
卷十六
九

論隋氏洛口
獨版之鹿臺
鉅橋

置維只宮於華東南原上築倉城二千餘里穿三千餘置回洛倉於洛陽北七里
置洛口回洛倉穿二千三百窖窖容八千石
倉城穿里穿三百窖窖容八千石

之道莫先乎足食舜以此戒十二牧箕子以此告

周武王案文孔子以此答子貢語子張孟子以此通告

齊滕梁魏之君而王制以制國用視豐耗量入為

出必使有九年之蓄其先務豫備如此然則隋帝

之積米其多至於二千六百餘萬石何凶旱水溢

之足虞其無貶矣乎曰物有本末事有終始不素

其序然後治效立煬帝極奢于內窮武于外耕桑

失業民不聊生所謂江河之水不足以實漏甕然

則雖倉窖充盈適足為重歛多藏之罪耳故武王

伐紂散財發粟而鹿臺鉅橋不能與殷同固隋氏

洛口正此類耳

三年

牛弘問劉炫曰周禮士多而府史少今令史百倍於周何也炫曰古人委
吏委任責成府史之任掌要目而已案本任責成歲終考其殿最案不重較文不繁悉府史之

任掌要目而已今之文簿恒慮覆治萬里追證百年

舊案事繁政弊職此之由弘曰魏齊之時令史從容

而已今則不遑寧處何故炫曰往者州惟置紀綱郡

置守丞。縣置令而已。其餘則官長自辟。今小大悉由吏部。官事不省。而望從容。其可得乎。

劉炫之答牛弘者是矣。而未盡也。其不敢正言耶。夫令史數名多矣而不遑寧處者。良由隋文之治。皆吏道也。繁文有覆治之慮。舊案有追證之虞。官盡屈銓曹。事悉循條例。則權必歸於令史。而簿書日多。簿書既多。則令史勢必加衆。欲其簡省從容。何可得也。然後知隋文勤勞旰食。以衡石程書者。大抵法令文案而已。此乃老胥猾吏用以困眩官長者。而以人主之重。自敝精神。其末流如牛弘所問。固宜也。古之聖王。不敢怠逸。自致其勤者。豈爲是哉。朝以聽政。晝以訪問。夕以修令。夜儆百工。使無惰淫。而後卽安。則又有賢后妃。鷄鳴儆戒。或中夜以思。坐以待旦而行之。若區區然以文案爲訓典。以法律爲詩書。則自宰相而下。釋史胥爲之足矣。又何必求賢才。故人主之勤一也。國或以興。亦或以衰。蓋知勤而不知所當勤。能知所當勤而勤之。其與隆孰禦焉。

論高頰不慮
罔終

帝之徵散樂也。太常卿高頰諫不聽。入謂觀玉雄曰：「近來朝廷誅去周
帝徵天下散樂，高頰諫不聽。退告人曰：『周天元好樂，
紀坐詭譎朝政，誅之。』
而亡，安可復爾？為人所奏，帝以頰誹謗朝政，誅之。」

隋氏諸大臣無出高頰者矣。恨頰所以處廢興得
喪有未善也。論知己而能相用，孰如文。論憾已而
不足事，孰如煬。文帝尚且不能久要，中道而變，乃
仕於賊子之朝。又與之論辨禮樂，是激發其宿憾。
而速其見殺也。隋煬無道極矣，然方之高洋慘酷，
則少貶焉。為頰者，當文帝廢斥為民之後，不復再
起，自放於幽閒寂寞之鄉，耕田鑿井，以供租賦，而
待天年，其或可免乎？伊尹曰：「惟尹躬先見于西邑，
夏自周有終，相亦惟終。其後嗣王罔克有終，相亦
罔終。聖賢之監古處今，欲君臣之間全其終始如
此，頰獨不此之慮耶？」

薛道衡

薛道衡，上高祖文皇帝頌，帝覽之不悅。裴蘊奏：『道衡負才恃舊，意者
恃道衡曰：『論其逆妙，辭本心，帝令自盡。』
道衡上高祖文皇帝頌，上不悅，會議新令，久不決。道

衡曰：「高頰不死，令決當久，帝怒曰：『汝憶頰耶？』付執法
者推之。裴蘊奏：『道衡有無君之心，罪名雖似隱昧，情
意深為悖逆。』帝曰：『公論其逆，妙體本心，遂殺之。』」

薛道衡有才學之名而無義理之識。方隋文廢太子時。道衡以樞要近臣。不能諫爭。親宣詔旨。成君之惡矣。煬主召之。蓋以報德也。道衡豈不知文帝崩殂之故。而稱美先德於賊子之前。將以警之耶。抑以愧之耶。以二事核之。於義理皆無所合。其學不足稱矣。裴蘊裴蘊所謂意為悖逆者。腹誹之餘論也。管蔡將叛。周公不知。而張湯裴蘊乃能隔皮肉骨血。見人順逆之情。煬主又稱其妙體本心。吁。亦異哉。推所憎惡。與所忌疾。指其心曰。爾將為逆。爾將為逆。然則誰不可殺者。此與商紂剖比干以觀七竅也。幾希矣。或曰。堯舜畏壬人。難任人。說者曰。壬任也。任猶妊也。婦人之妊。莫能知其為男為女也。小人懷其情實而不可知者。似焉。是以堯舜畏而難之。夫亦非妙體本心之謂乎。曰。此臨川王氏之說也。先儒尚訓。故自孔氏以壬與任皆為佞。承上文而言之曰。巧言令色。甚佞云爾。此則有可指證以為罪者。若探其情實。曰甲盜也。刑之。乙淫也。宮之。是堯舜與桀紂同一制刑。而張湯裴蘊所建。乃

臯陶作士。穆王訓夏之闕典矣。孔子曰：不逆詐，不億不信。其於宰我曰：吾聽其言而觀其行，雖心如明鏡，物無遁情，終不立探人情實而治之之法。于以知臨川王氏之為邪說也。然則春秋推見至隱者，非歟？曰：是為亂臣賊子有其事而避其迹，反以歸諸人者，故發其蔽益而斷其奸慝，豈以困無罪之人哉。

帝欲大營汾陽宮，御史大夫張衡諫曰：比年勞役煩多，百姓疲弊，願加抑損。帝甚不平，衡又語人曰：薛道

衡真為枉死，帝怒，除名為民。

論張衡富貴之願不滿而惡逆之罪通

張衡以州司馬為晉王廣畫奪宗之策，不過欲求富貴於晉王為天子時耳。然五六年間，自右庶子纔得為御史大夫，即被黜削，放還田里。曾不及州司馬之為安也。富貴之願，初不滿，皆而惡逆之罪，上通于天，方以百姓疲弊為言。夫百姓疲弊，比之王室亂亡孰重？又以薛道衡之死為枉，夫道衡之枉，比之文帝暴崩孰酷？小人冒昧近利，履危蹈險，以徼幸於一時，弑其君父，既從之矣，又欲以忠言

七年

論三千餘人皆恣睢嵬瑣之流

正說取名於外奸凶反覆豈不可疾之甚哉。
帝自江都幸涿郡御龍舟度河入永濟渠勅選部門勅選於前船選補受選者三千餘人下內史御史四司於前船選補受選者三千餘人徒步隨船三千餘里不得處分死者什一二

甚哉美才難得而凡馬之衆也夫自江都至涿郡隨船徒行自東南而極北迤矣而受選之士三千餘人甘於重趼逐逐而不去以至死亡者于以見此三千餘人皆恣睢嵬瑣之流耳委以章綬錯諸百姓之上處于庶務之間夫知其不免於瘵曠之負也故善為天下者如漢光武唐太宗皆減省吏員而賢才是擇惟恐其壅於上聞也專顧已私者不為官擇人入仕者數倍於員闕以收其虛譽而嶄然見頭角者則消磨汰斥之惟恐其與已軋也於是服膺官使新故更代往往恣睢嵬瑣之流而天下之禍亂起矣

八年

論隋煬所潘誕一事差勝

道士潘誕自言三百歲為帝合鍊金丹帝為之作嵩陽觀常役數千人所費巨萬六年丹不成帝斬之趙鐵諸潘郡隋煬在位十三年未嘗有一事偶合於善者獨斬

潘誕為差勝，然役數千人者，凡六年，其勞民費財，豈可貲筭，則雖能誅之，亦未足以償所失之怨也。凡方士罔不為大言以要人，或引其期，或廣其役，或求所難得，或邀所不可從，蓋不如是，不足以神其術而處其身。蓋嘗有鍊丹者云：凡火皆病丹，惟得桑柘之所變，而非炭煤之屬，乃可。於是出帑縑，擇最美者，如薪然束之，旬日中焚三千匹，亦不聞其有成也。故夫求長生，鑿金丹，自秦以來，千五百年，未有一人住世而不死者，亦可鑒矣。

帝大舉伐高麗，左衛將軍麥鐵杖請為先鋒，謂其子高麗兵阻水拒守，隋兵不得濟，水將軍麥鐵杖躍壘岸戰死。曰：吾荷國恩，今為死，日遂戰死。

謝麥鐵杖死
傷勇

麥將軍之死，勢未至於必死之地也，而慷慨赴敵，易舍其死，何也？謂高麗不可破乎？謂隋煬不可事乎？見天下將亂，不忍蹈之乎？抑亦如伏波馬革裹尸之志乎？詳味其人，蓋出最後策耳。煬主弑父殺兄，塗炭百姓，而為之捐軀血膏草野，勇則勇矣，不亦傷勇乎？然則既已在行，如之何而可？曰：勿請為先鋒，隨眾進止，全軍而反，他日勿復為將可也。

諸將之東帝戒之曰無字樣今者弔民伐罪非為功名諸將毋得或輕軍獨進以致失心既而城久不下或不識朕意欲輕兵掩襲非大軍行法當將軍為三道有所攻擊必三道相知毋得獨進凡軍事進止皆須奏聞待報

論煬帝飾詞
濟奸

煬帝素以狡猾詐偽為心術今傾國征伐亦不能勉布忠信又飾詞號令以濟其奸蓋自即位之後未嘗臨戎至是始身督諸軍遂欲進止節度皆自宋本注作戒已出微倖克捷則大告武成而將帥不足言矣其心實為功名而大言以反之此與所謂朕與文士高選亦當為天子同一意趣者也前此下林邑克契丹大破吐谷渾朝赤土服伊吾致高昌降突厥宋本注作來處羅無不如志此賢主所未必得者而煬帝能之所謂天助不善非佑之也厚其毒而將降之罰耳若使軍師說客於彼七國有摧敗齟齬則遼東之行未必至若是勇也以符堅善於治國兵威無敵施之江南遂至亡滅又况煬帝乎故天以武功張於前以禍亂蹙於後然後逆賊之獄成而大罰加矣網恢恢而不失可不畏哉

九年

論楊玄感叛
逆之賊

禮部尚書楊玄感見朝政日紊而帝多猜忌內不自安遂謀作亂帝再伐高麗命玄感督運玄感選運夫得五千人刑牲誓眾且諭之曰主上無道不以百姓為念死遼東者以萬計今與君等救兆民之弊何如眾皆踴躍稱萬歲乃勒兵部分

煬之罪惡不可解掩方之桀紂浮之已甚矣人得討之古今通誼也而楊玄感則不可玄感者素之子也素者廢太子黜蜀王秀討漢王諒終始煬王篡弑之謀而左右之者也玄感以父之故致位列卿父子相承十年帝所以失道昏淫馴致禍亂者未有一言規諫恐為已不利矯詐而起兵方無事時則叨竊貴富於朝廷及勢已傾危則賈忠義於羣眾人而如此狗猪不食其餘矣昔衛殖廢其君其子喜復之春秋猶書曰甯喜弑其君若玄感者叛逆之賊何足道哉取本帝使大理卿鄭善果及裴蘆蓋繫于蓋推治玄感堂與曰玄感去玄感既平推治黨與帝曰玄感一呼而從者十萬益知天下人不欲多多即為盜不盡誅無以懲後遂殺二萬餘人枉死者大半

論隋煬不省
已而憾民

言史管見 卷十一
伏節死義不從於亂古之教以責為人臣子者而
不以責百姓也民心無常惟惠之懷是故聖王敬
民惠民愛民保民而不聞必其從已而不得從人
也吾撫之盡其道則彼之親其上猶子之於母有
不忍離者不撫而虐之則彼之惡其上猶讐仇寇
賊然又安得而禁之煬以一身與千百萬人為怨
敵不自省已而憾民從亂卒也禽之頓之數之縊
之者乃所親信厚善宿衛之人也一人三失猶不
免於隱微之怨况隋煬之罪盡南山竹不足以書

乎

汗年

十月 有事於南郊上不齋于次詰朝備法駕至即行禮是
日大風上獨獻上帝三公分獻五帝禮畢御馬疾驅
而歸

論上天威怒
莫大於郊見
而不格

綱目節錄其
文

董子有言自非大無道之君天盡欲扶持而安全
之故時出災異以警戒之至于再至于三而猶不
悛然後改命有德若隋煬則大無道矣故自即位
至縊死十有四年之間無復災異之變蓋其奪宗
為儲是日四海地震天既以告文帝而不知戒焉

則已矣。天意若曰：罪惡如煬，非所告也。然則七年夏四月，山東河南大水，漂沒三十餘郡。冬十月底，柱崩，偃河逆流數十里，何也？按是春下詔討高麗，四月大徵天下兵，十二月山東群盜起，人事感動，則陰陽應之。山崩水溢，不以雨故，而四方之盜始於東南，此感應之符爾。或曰：使煬主覩而知懼，罷兵不用，增修德政，可有瘳乎？曰：罪有輕重，惡有大四案小小惡，輕罪悔而改往，聖人所許也。五刑之屬三千，而無弑父之條，是不孝不足以盡之，而煬也犯焉。縱使息役罷兵，省德脩政，是一盃水不足以救一車薪之火，亦無全而歸之之理矣。或曰：楚穆王何以能免？曰：中國者禮義所自出，人治之大者矣。而何夷狄比耶？故經史所載，中國之人而為商臣之事，則未有能免者。天下豈有無父之國也？隋煬窮罪極惡，而天不告圭幣，郊見而天不答大風之作，正與慕容德同符，蓋天動威以絕之也。故上天威怒莫大於郊見而不答。既以景氣晏溫，日星明穰，為顧饗之瑞，則震風凌雨不得成禮，為勦絕之

十三年

論聖人必盡
人事

應必矣。

初高祖夢洪水沒都城，意惡之，故遷都。會方士云及帝即位，忌殺殺將軍李渾門族，強盛有方士安伽陀言李氏當為天子，勸帝盡誅海內李姓者。渾從子敏，小名洪兒，帝疑其應讖，收渾家，誣其反而誅之。

興廢有定數乎？曰：一行一止，猶非人所能為，而况於得天下，失天下乎？然則人事無與焉，任之可乎？曰：不可也。以身論之，生死有定數矣。節嗜慾，慎食飲，時其起居，而平其喜怒，使六淫不入，則可以康寧而考終矣。曰：死既不可逃，不若逞嗜慾，恣食飲，起居陵暴，喜怒毗併，則邪意能侵，雖無疾，可使有疾，而長年可使夭折矣。故聖人知數而不任於數，必盡人事，人事無憾，則未有當治而亂，當盛而衰者也。若惟以氣數之不可移，是紂所謂予有民命，而罔懲其侮，則必亡而已矣。隋文之夢，與方士安伽陀之言，其應為李淵，而李淵不可得而殺也，則將如之何？抑以天下為羅，凡李其姓，水其名者，盡誅之乎？則桀紂之虐，猶不至此，其亦敬德脩政可

也。隋文雖混一海內，以勤儉致富庶，而無經國遠猷，取周幽王、晉獻公所以亡國敗家者，躬蹈其轍，而又苛酷嗜殺，亂天經而逆物情，重以賊子縱欲肆於民上，政使亡一李淵，必復生一李淵，是故占步之學，君子不學，精如子雲，而不免投閣之辱，驗如郭璞，而不救日中之死。堯命舜曰：天之曆數在汝躬，而舜方且察璿璣玉衡，以齊七政。舜命禹曰：天之曆數在汝躬，而禹方且請枚卜。功臣稽首固辭，此聖人處天之際，為後世之法者也。

十三年

李密說程讓曰：今百姓飢饉，洛口倉多積粟，將軍若

恭帝舉
越主侗遣

親帥大眾取之，如拾遺耳。發粟以振窮乏，則百萬之眾一朝可集。然後檄召四方引用賢豪，除亡隋之社

稷，布將軍之政令，讓從之。密讓將兵七千，襲破興洛倉，恣民所取，於是降者如流，眾數十萬，築洛口城而居之，讓推密為主，既而為密所敗。

李密拙於
為謀

楊玄感之反也，李密為謀主，其中策使之徑取關中，玄感不從而敗。及密起，此策故可用也。而盤桓洛口，因遂城之何工，於為人謀而拙於自為謀也。

密之衆本飢餓之民烏合成聚。眷戀二倉積粟故不能去爾。觀密說翟讓之言若有大志者然大丈夫欲拯生民去其疾而不能致衆而借勢於讓。又負義而殺之以項梁之強挾詐誅其守以起事猶無所成而况於密乎。

裴寂曰二郎陰養高欲舉大事正為寂以宮人侍公恐事覺并誅公意如何李淵為晉陽留守其子世民見隋室方亂有安天下之志與晉陽宮監裴寂晉陽令劉文靜善世民說淵

興義兵先是裴寂私以宮人侍淵寂從容言曰二郎欲舉大事正為寂以宮人侍公恐事覺耳公意何如

淵曰從之耳乃詐為勅書發兵擊高麗由是人情益思亂文靜勸淵與突厥相結以益兵勢淵卑辭厚禮為書遺始畢可汗云欲舉義兵遠迎主上始畢曰隋主為人我所知也唐公自為我當助之將佐請從突厥之言淵不可寂等乃請尊天子為太上皇立代王為帝移檄郡縣以示突厥淵曰此可為掩耳盜鐘然逼於時事不得不爾

湯伐夏數桀之罪曰矯誣上天率割夏邑大槩如是而已武王伐商數紂之罪則多矣其大者則沈

論李世民無湯武反身之學

酒月色。昵比罪人。賊虐諫輔。毒痛四海。皆有之矣。
 紂之甚者。不修郊社。不享宗廟。煬雖不至是。而弑
 父殺兄。則紂之所未有。其當討無疑矣。世民父任
 為方伯。已賜鈇鉞。可以專征。于是播告之。修聲煬
 帝罪。大逆無道。浮於獨夫。如此則雖德非成湯。亦
 無愧于白亳之載矣。不必用宮人私侍以劫父也。
 不必詐為勅書發民以鼓怨也。不必稱臣突厥資
 力以助勢也。不必遙尊江都為太上皇而立代王
 為帝也。不必卑辭復書推獎李密。以驕其志。使不
 為我患也。堅守晉陽。收召豪傑。厚集其眾。分擊東
 西二京。義聲既振。羣盜自下。乃遣良將統銳師。南
 指揚土。撫赦驍果。離析楊廣之眾。如此則不逾旬
 時。罪人斯得。天下歸唐。其誰能禦之。惜乎世民有
 安天下之志。才足以撥亂。而無湯武反身之學。劉
 文靜智謀之士耳。裴寂又出其下。故雖乘時舉事。
 不旋踵成功。而用智術違義理者多矣。

復李密曰當今為救非子而誰虛商幸於牧野所不忍聞統子嬰於
淵以書招李密密復書曰自惟虛薄為四海共推所
咸陽未敢因命密得書甚喜
 望左提右挈戮力同心執子嬰於咸陽。殪商辛於牧

野豈不盛哉。淵笑曰：密妄自矜大，若遽絕之，乃更生一敵。不如卑辭推獎，以驕其志。復書曰：吾幸承餘緒，大會義兵，志在尊隋，唯弟早膺圖籙，老夫復封於唐，斯榮足矣。殪辛執嬰，所不忍言。密喜曰：唐公見推，天下不足定矣。

論唐公擇義水精措詞不瑩

以義兵名其師，曰為王室有叛亂之人，吾仗義以討之。若光武伐莽，先主伐操之類是也。是時唐公尊隋煬為太上，而將扶立代王，則不義之實，使誰當之。指煬帝耶，又豈當尊指羣盜耶，則我未有以異彼者。措辭不瑩，蓋擇義未精也。由是觀之，李密所謂殪辛執嬰者，乃唐公所宜為，而唐公方且以不忍聞答之，則名實亦戾矣。

淵克霍邑，勞賞吏民，選其丁壯從軍關中。軍士欲歸者，並授五品官，遣歸。或言太濫，淵曰：隋氏吝勲賞，以失人心，且收衆以官，不愈於用兵乎？

賞兵當以金帛，不當以官。官所以待賢才也。唐公既失之，而所與者皆關中軍士，非有功伐，特欲使歸長安，誘動衆情耳。此又失也。隋氏吝勲賞，固非。

論賞兵以官之失

然人心附離乃繫道之得失必欲以官收之安得如許官而給諸此又失也流及後世其弊益甚視其役則荷戈負甲之士也問其官則刺史大夫也官既高俸益厚一卒之費歲為錢至有數十萬者禍亂未平而民力已竭矣

泰山道士徐洪客貽李密書曰大衆久聚恐米盡人散師老厭戰難以成功宜乘進取之機事機因銳氣因士馬之銳流直指江都密壯其言以書招之洪客竟不出莫知所之

讀作洪客者黃石公魯仲連之流

洪客之謀奇而正非惟李密不及唐諸人皆不及也天下未嘗無才或隱於屠販寄於盜賊洪客魏徵優游黃冠中而抱匡時之畧懷濟世之具而人不知也隋煬無道民怨可也軍叛可也士大夫去之可也為道士者棲身烟霞脫迹塵垢人君得失天下理亂何預我事而慷慨發言深達要領勸人決策直取獨夫詩不云乎人之秉彜好是懿德其此之謂矣隋煬兵威震搖天下視殺數十萬萬衆猶踐螻蟻而一道士乃生禽取之計大禹有言予

綱目節錄其文

視天下愚夫愚婦一能勝予况非愚者可不畏哉然李密不足與言洪客無乃未知晉陽興師或無路自達聊於蒲城公發之耶以此一言觀其人其胸中之奇固多矣而迄不自見雖太宗得天下亦寂無所傳聞豈已死歟抑如黃石公魯仲連之流歟嗚呼可謂高士矣

馬邑郡丞李靖素與淵有隙淵克長安收靖將斬之

靖大呼曰公欲平暴亂而以私怨殺壯士乎世民固請乃舍之因召置幕府

論李淵人物之鑒不逮滕公

李靖將畧與秦王伯仲間耳餘人不能及也唐公方經營天下且與之有隙而不知其才微秦王力救免之則靖必死矣淵何為而生隙此必靖輕之有素也夫不忘宿怨雖漢高大度尚且芥蒂於雍齒然得子房一言不旋踵而封之秦王固請僅得不斬而自不能用也其相去遠矣迹淵人物之鑑猶不逮滕公非有世民為之子則天下豈唐所有哉

致堂先生讀史管見卷第十一

恭帝 高祖上卷

義寧二年

論唐王能言

湯武之誠而

不悟在已之

僞

武德元年春正月丁未朔唐高祖詔唐王劔履上殿贊拜不名


天道誠聖人亦誠人非生知安行必勉於思誠思
 而不息雖非生知亦能學而知之矣雖非安行亦
 能利而行之矣湯武之德不及堯舜而列於聖人
 者由此其選也故曰湯武身之也又曰反之也身
 之者不徒言之必躬行之也反之者不遂于情而
 復於性也凡位至帝王其質稟未有不過絕於人
 者惟不知反身之道行不副言而情移其性則日
 遠於善而趨於不善如水之流於下也躬行復性
 其要不在乎他在乎去僞而已矣桀紂尚為君則
 臣之天命殛之則伐之固不虛為臣之之名而實
 為伐之之事也案之以方伯舉兵放殺而易位固不以
 漸次嘗試今日為冢宰明日為上公案本若毀兒齒而
 取之也其可其否一斷以義不可則止不可止則行本可則行其
 止也初無進動之形故止而安其行也亦無疑悔
 之慮故行而果此湯武之事也唐王惟不正名楊
 廣為弑父與君之賊而舉師是故節目繁多詭正
 並用故興王之術駁而不懿也去歲代王侑年十

綱目節錄其
文

有三雖尸帝號豈能出黃鉞都督丞相唐王之命乎。今茲劔履上殿贊拜不名。又豈恭帝心崇唐王而為之乎。越兩月九錫詔下。唐王乃曰。孤秉大政而自加殊禮可乎。魏晉之迹皆煩文飾偽。欺天罔人。孤竊恥之。湯武皆推其至誠以應天順人。豈必効唐虞之禪乎。此言美矣。而實未能然。殊禮固不可自加也。黃鉞都督丞相唐王之命。果出於恭帝耶。後之自加為非。則前之命之為偽矣。前之命之為是。則後之自加亦何為而不可。故能言湯武之誠而不悟。在己之多偽。是故學以聚之。問以辨之。寬以居之。仁以行之。聽天而不迫。思誠而無偽。所以為君德也。有君德則天德也。有天德然後可以居天位矣。

居天位矣。

問世基何在馬文舉曰已舉首矣帝曰我何罪至此德戡曰薄
湯帝至江都荒淫益甚見中原已亂無心北歸司馬天同德何止一人德戡宇文智及等欲逃亡懼不免禍乃行大事以智及兄化及為主引兵入宮帝曰吾何罪賊黨馬文舉曰陛下違棄宗廟巡遊不息外勤征討內極奢淫使四民喪業盜賊蜂起專任佞諛飾非拒諫何得無罪



帝曰我實負百姓至於爾輩榮祿兼極何乃如是今日之事孰為首耶德戡曰溥天同怨何止一人遂縊帝殺之化及自稱大丞相立秦王浩為帝居別館以兵守之化及擁眾十萬據有六宮奉養一如煬帝

論字文化及不明於義

凡誅討無道之人得數其罪而屈其詞猶治奸惡之囚而得其承欵也夫然後快於人心如胡亥楊廣是已然廣責司馬德戡曰我負百姓而於爾等榮祿兼極何乃為是德戡等皆無以應其無以應也亦猶煬帝之不能自文也于是君不君比於獨

夫而宜於弑臣不臣同於叛逆而宜於誅惜哉字

文化及之不明乎義而為利所沒也

世子建成至東都世民曰新定關中根本未固惟得東都不能守也
唐王世子建成秦公世民督軍十萬至東都王世克

段果遣使伏而致遂置新安軍陽二郡
閉門不出城中人多欲為內應者世民曰吾新定關

中根本未固懸軍遠來雖得東都不能守也遂引兵還

論秦王自度辦王世克有餘

當是時王世克外困於密內得權未專唐兵臨之既有內應正可取之時也而秦王舍之而去何也若乘時克東都則密非世民敵亦不勞餘策矣失

今不取他日之役動費十倍秦王無乃于慮而一失乎曰秦王言新得關中根本未固雖得東都亦不能守此事實非詭語也乃若王之深筭乃自度辦世充有餘縱使勢成亦必能克宋本特欲他日專其功不欲與太子同事耳不然密於世充為讐而反與鄭為援兵家離合難易之勢也秦王豈固釋所易而甘從事於難者乎

唐紀

高祖

武德元年

以裴寂為右僕射知政事劉文靜為納言上待寂厚故特以裴寂為僕射云羣臣莫比日賜御膳言不從宋本羣臣莫比

論裴寂宜於高祖劉文靜合於秦王

裴劉皆非宰相才一時起事同謀次第至此耳然自二人長短論之文靜智計出寂右建義之舉又文靜先言而高祖待寂特厚者寂之為人宜於高祖而文靜為人合於秦王也晉陽宮女之事宋本自剛明者所不肯為不幸失之於初當終以為悔而咎裴寂之誤已宋本有唐字高祖則不然不取磊落奇士而眷眷於私暱狎比之徒而猶不忘也文靜固非宰相才

綱目節錄其文

寂既知政事文靜因無以自見故唐室之初殊不足觀高祖有天下若幸而得之者故曰人主之職

論相而止矣

李密兵敗於王世充帥餘眾來降朝廷待之不副本自負滯國之功朝廷待之不副本望是以告王伯當伯當曰天下事在公度耳遣密詣山東望鬱鬱不樂乃說上曰山東之眾皆臣故時麾下請

往收撫憑藉國威取世充如拾地芥耳上遣之羣臣多諫上不從密至桃林遂反

論唐高祖聽密之過

唐高祖遣密何思之不詳也曹公不追關羽為其有君臣之分先主不留徐庶為其有母子之情密

何說哉以三十萬眾驕矜敗亡平日爪牙莫肯再

為之用况又各有繫屬安能復收之密為此言以

以給高祖而高祖聽之過矣密初入朝授任誠薄

高祖若念始者復書早膺圖籙之言盛宮室多子

女衍金帛寵以虛名厚其禮貌則密亦無所生其

奸心矣

上以舞胡安叱奴為散騎侍郎李綱諫曰古者樂工

不與士齒又况天下新定功臣行賞未遍高才猶滯

草萊而先擢舞胡為五品非所以示後世也上曰業

論高祖蔑視士大夫而輕王業

已授之不可追也

業已如此云者不肯改過拒諫之辭也李綱之諫比諸孫伏伽請襦袴充妓衣之論則又切矣何高祖能從伏伽而不能從綱也伏伽所言為其事而無其人故易從綱所爭則有其人矣高祖心悅其人故諫不能入雖然英明之主則無是矣當是時天下猶未平以金帛賞伶優尚恐戰士缺望而以黃散要官捐之舞胡其亦蔑視士大夫而輕王業也哉

二年

論竇建德為昏煬發哀不足以感動人心

竇建德討字文化及禽之先謁隋蕭后語皆稱臣素服哭煬帝盡哀撫存隋之百官然後斬化及等

商紂既亡商之子孫皆臣服於周所難化者惟沫上頑民服紂成俗乃有哀號呼天欲繼其緒蠢然警動反鄙周邦則未聞殷之賢臣為紂斬衰擗踊敬事妣已者也隋煬之罪視桀為浮其怨疾敵讐遍於四海民欲與之俱亡非若古昔王畿之內被害特甚者而已竇建德於是焉數字字文化及以世受國恩不能匡諫親行弒逆輒自稱尊討而殺之

可也而為昏煬發哀拜謁蕭后則施之不當何足以感動人心其與漢高為義帝之節不亦異乎上素與宇文士及善化及死士及與封德彝來降時士及妹為昭儀由是授上儀同上以德彝在隋諂巧不忠深誚責之罷遣就舍德彝以秘策干上上悅俄遷侍郎

論唐寵秩亂
之非

禍亂之臣於興國無怨惡也而不可不戮者天下之惡一也謝塗炭之人又以訓吾之臣子也古之賢哲有私勞於我而犯大義者猶不敢賞矧泛泛

之故舊乎至於身為大臣產禍召亂又與叛逆詬詈其君此而不誅反寵秩之唐之官爵為不足貴矣秘策云者非曲逆之六計子房之躡足也必奇技淫巧取媚房帷之事耳此固奸諂無恥者所優為也

齊王元吉為并州總管性驕奢好田獵奴婢數百人使之戲為攻戰死傷甚眾乳母苦諫元吉醉怒殺之坐免官元吉諷并州父老詣闕留已遂復其任晉陽王業所起委之帝子宜矣而元吉驕奢好田

論高祖稔元
吉之惡

酗酒妄殺而所長不聞夫豈可以牧民御眾乎免
 官追還是也復以詭計得留詰讓不加訓戒不行
 是愛之過而稔其惡也非特晉陽之人橫被虐政
 而元吉自此長惡不悛喪其封守他日幾於邦國
 大禍是故古人有言愛子者必教以義方而不納

之於邪驕奢田酒而安於忍所自邪也
世充遣家奴酖皇恭主皇恭主布席焚香禮佛願自今已往不生帝王家飲
王世充酖死隋皇恭主主曰願自今以往不生帝王
家葉不能絕有謚之謚曰恭皇帝

輪轉之妄

人有死於此復生於彼之理乎曰佛氏云然愚以
 謂無此理也人之所以有生陽氣施而陰氣受也
 其死也二氣離也何獨人凡物之生死皆然使父
 母而不遇未有能化育者遇而成其包任非一日
 至於日至之時如日出如雨降其生也不可禦雖
 欲頃刻稽之不可也人之為嬰孩也知求乳而已
 視無見也聽無聞也心無思也童然而已矣養而
 就之五官之用與日滋長血氣盛筋骨強而體用
 備則強者向於羸盛者趨於衰至其極也心思短
 聰明近耗消漸散若水釋若火滅其盡也不可止

雖欲頃刻稽之不可也。此人生死之大常也。故原
 始要終則知死生之說矣。原者推其本也。要者究
 其極也。其本以是生則其極以是死。豈不簡易而
 明白哉。佛之說則不然。為繼母所憎而并惡其父。
 逃而出家則以其體非父所鍾也。云降神于天。託
 蔭母胎。而出自左脇。蓋以施受之道為浼已也。故
 其言曰。衆生各因淫欲而正性命。使世人皆離此
 以證無生。其不能然。則愛為根本。死於此。生于彼。
 或人而為畜。或畜而為人。輪轉相續。無有窮已。故

人貴修行精練。不殺禽獸。免於報身。隨念之善。即
 生樂處。此其迷人誘世之大畧也。欲驗其不然者。
 請得以質之。羽毛鱗介。與夫喘奕肖翹之物。在天
 地間。抑有定數乎。抑無定數乎。若無定數。則安知
 人死為畜。畜死為人。也。若有定數。則自古至今。人
 與禽獸相為死生。不過此數。以大較論之。人殺禽
 獸。則不可為量矣。禽獸能殺人者。無幾矣。是當禽
 獸日加多。充滿于宇內。人日加少。遂至於無人。然
 後其報復之事信矣。而有不然者。太平之際。人得

其養海內之戶以千萬計于時動物亦不可勝用
上下給足若禽獸爲人則禽獸宜彫耗而反加繁
多喪亂之後人失其養或至千里人烟斷絕于時
庶類亦不能獨茂求之難致若人爲禽獸則禽獸
宜繁多而反加彫耗此以目覩實事而質之者一
也人之寐也氣不離形識知固在也而不能於寐
之中自知其寐也其將寐也雖大聖人亦不能卓
然了然知寐與寤之分際也死之異於寐也以方
寤之時或呼之或觸之瞿然而覺也死則不能矣
呼之觸之瞿然而覺然其寐之熟也則晦昧冥漠
與死者無異又况於氣既離形如光之脫火知識
泯泯不可復陽乃曰我有一念由吾所積皎皎然
隨善惡所感而有所如往豈不妄哉爲佛之學者
脩行精練或有術數能知死期語於人者吾去留
自如孰有生而不死死而復生者此又以聚散實
理而質之者二也智者推是以思之則輪轉之妄
見矣既不惑於輪轉則其言鬼神者亦從而可辨
也其言鬼神既失正則其言性命道德亦不可信

也。蓋死生之說，鬼神之情狀，卽性命道德之理，非有二致。得之則皆得，失之則皆失也。或曰：自賈誼明達，已言人死爲物，非始於佛也。亦不足信乎？曰：賈生所言，亦猶莊周論神奇臭腐云者。言人死則與朽壤之類等耳。然則記井識環之事如何？曰：是時佛說入中國已久，抑已有幻之者耶？或識有相類者耶？嘗聞之侯仲良曰：佛氏有奪胎之論，何其不思而罔之甚也。受氣胚胎，誕彌厥月，而爲他人。鬼鬼所易，然則胚胎之久也。其生物乎？其死物乎？其空空無物乎？則以問之名僧善果，果曰：不然。譬之候館，既有舍之者矣。俄而勢力者至，彼固當出而避之。奪胎猶是也。此二者，愚智之辨也。然則以鬼享者何謂也？曰：緣子孫之心而制禮也。祖考往矣，爲子孫者，以爲無有而不祀，於心安乎？安則不祀可矣。苟有不忍之心，如存之念，則爲廟爲主，奉承而祭之，不得不然矣。然則祖考來格者何謂也？曰：此他人所不能知，惟將祀事者知之。僂然如見乎其位，肅然如聞乎其聲，穆然如瞻其容，如在其

上如其左右致愛則存致怒則著此所謂來格來饗者也若紂昏棄肆祀則弗答矣五經均所以載道也或陳其著或闡其微無精粗微妙之殊也浮屠氏之穎者未有不讀易其意若曰寂然不動齋戒以神明其德此固佛之道也幽明之故死生之說鬼神之情狀此固佛之教也是譬猶觀人者取其一節以爲全體觀海者認其一漚以爲全潮所遺多矣彼徒悅齋戒之德而不知吉凶與民同患之用也徒取寂然之靜而不知感而遂通之應

也徒喜其死生鬼神之名與佛同而不知原始反終爲物爲變之所以然也而昧者信之因以謂孔佛不二雖雋慧辨析如柳宗元亦推尊之曰其說合於生而靜者是亦斷章取義也宗元又曰佛者教人始以性善終以性善而眉山蘇子表而出之以爲與孟子同是又不以大全勘之也或曰如子所言則凡人之精爽靈明卓然異於萬物者其死也則與土木比乎曰人之所以爲人蓋有不爲堯存不爲桀亡不以生而精爽靈明不以死而晦昧

冥漠者矣。非窮理何以知之。非盡性何以有之。此繫乎學者功力之淺深。不可以言語斷也。

劉文靜自以功勳在裴寂之右。而位居其下。由是有隙。嘗飲酒酣。拔刀擊柱曰。會當斬寂。家數有妖。召巫

上角寂言文靜業藉沒其家

為厭勝。或告之。上以屬吏。文靜曰。今寂為僕射。臣不

異眾人。實有缺望之心。因醉怨言。不能自保。上曰。觀

此言其反明矣。李綱蕭瑀皆明其不反。世民為之固

請。寂曰。留之必貽患。上素親寂。文靜竟坐死。

高祖以缺望為反逆。何不度情之甚歟。上之所為。

論太宗不敢力救劉文靜

之死

不盡愜乎人者多矣。匹夫匹婦。一有憫然不服之

心。盡以為反逆而誅之。桀紂不至是也。文靜首唱

大謀。賞不酬勳。又以讒死。冤哉。而太宗不能力救。

何也。曰。非不能也。不敢也。高祖先欲斬李靖。既固

請矣。今若又逆上意。則裴寂必併秦王而讒之。蓋

文靜晉陽引寂見世民之時。有漢高魏武之比。而

未嘗歸心高祖。寂則高祖所厚。而世民所薄也。其

不敢力諫為是也歟。在世民為子則當然。而李綱

蕭瑀不能數批逆鱗。使勳舊冤死。其責大矣。為文

綱目節錄其

靜者苟有高世之見既已出力興唐其功在先其名已著逡巡退避不與寂競其於落度用以全身莫宋本何善如之而乃芥蒂悻悻然自取猜毒其才智雖

高而識量淺矣

滑州刺史王軌為奴所殺携其首詣建德降建德曰奴殺主言云吏民感泣奉曰奴殺主大逆吾何為受之立命斬奴反其首吏民感悅即日請降其旁州縣皆望風歸附

論竇建德順理

君臣父子人道之大倫中國之所以為中國也竇建德殺奴之弑其主者而遠邇歸附以順理也乃

有械人之子使證其父者亦獨何哉其淪胥為夷之故歟居中國棄人倫自古不可惟冒頓射父而

雄長百蠻蓋夷狄與禽獸不遠也王宋本聖人外之苟欲

除異已者其術固多何必捕繫其子使誣訐其父

以滅天理乎古之無道之邦忌克猜忍開奴婢告

主弟子告師之路極矣而又有極者焉焉者宋本世衰道微

久矣嗚呼悲夫

上召裴寂入朝責其敗軍下東既而釋之寵待彌厚裴寂與宋金剛戰寂軍大敗上徵還責之既而寵待

論高祖賞罰
不類

讀史管見

卷十六

四

爲國而賞罰不類，無以服人心，人心不服，則雖據
廊廟之尊，操福威之柄，亦何以異於市井毀譽之
相紛紛來本者哉？裴寂、劉文靜同建義功，文靜有死罪，猶
當十世宥之，不可於其身而加戮。裴寂禮報已過，
及此失地喪師，亦當平行貶削，不可以其寵而失
刑。如此則唐之政事，豈不日日新，又日日新哉？而高
祖徂於愛狎，專顧私勞，何以訓厲其臣？君德於是
大疵矣。

王世充將帥多來降，世充乃峻其法，一人亡，叛舉家

即縣來降者相繼世充乃峻其法一人亡叛舉家

就戮，父子兄弟夫婦許相告而免之，又使五家爲保，
有舉家亡者，四鄰坐誅，殺人益多，亡者益甚。

論王世充尚
威力而滅韓
倫

人之與人類也，故不得相害，殺人則死，傷人則抵
罪，鄰里鄉黨則類之，有情者也。故出入則相友，守
望則相助，疾病則相扶持，族屬則類之，親者也。故
五服之內，許相容隱，設法如此，澤之所浸，亦莫禦
矣。推而上之，則夫婦兄弟父子，從可知也。夫父爲
子隱，子爲父隱，以法論之，則以詆讎終不肯言，則
爲罔上，而孔子明之曰：父子相爲隱，直在其中矣。

讀史管見

卷十六

四

宜曲也而謂之直者，順理故也。今使父子不得相
 隱，小則誦言之，大則首許之，不待夷狄滑夏，狗彘
 食人，而人之類殄矣。故子證父攘羊，若直而理逆，
 父子相為隱，若曲而理順，聖人人倫之至，為此類
 也。今夫謀反大逆，理之大蠹也，其謀而未覺，非使
 人告于上，則其事遂成，是不可不告者。降此而設
 告首之科，已陷於刻薄之政。又况使天屬之最親
 者相告，幾何其不胥為夷狄禽獸已乎。故逆理愈
 甚，則其失愈遠。王世充始者輔皇泰主，繼而自立，
 未甚有愧於唐公。惟其尚威力而滅彞倫，故亡如
 弗及焉。世充無足言者，而其惡政後世猶有蠶尾
 故，不得不論也。

論高祖一喜
 數失

上聞并州平，大悅，宴羣臣，賜繒帛，使自入御府取之。
 昔韓昭侯惜一袴不妄予，曰：人君嘖有為嘖，笑有
 為笑，袴豈止嘖笑哉。吾必待有功者。并州平，將士
 受賞宜矣。侍晏羣臣，又何與焉。而亦有賜不已太
 乎。又使之稱力自取，此魏齊淫后奢君所行，豈足
 為法。多取則傷廉，少取則異眾。且為公卿近臣束

帶摺笏而抱負縑繒，豈朝廷踰濟之容哉。是因一喜而數失也。或曰：既飲食之，又實幣帛以將其厚意，固待忠巨嘉賓之道，亦何訾焉。曰：非此之謂也。

故案必若有賜者，筐篚可也。

世充謂世民曰：唐帝關中云云為此而來。案上詔世民擊世充。世充隔水謂世民曰：隋室傾覆，唐帝

關中，鄭帝河南，世充未嘗西侵，王忽東來，何也？世民曰：四海咸仰皇風，惟公獨阻聲教，為此而來。世充曰：相與息兵講好，不亦善乎？應之曰：奉詔取東都，不令講好也。

論秦王語雖大而不得

綱目節錄其

隋東西二京，皆以親王留守，其輕重等耳。長安差重者，宗廟在焉耳。唐帝長安，鄭帝洛陽，迹其所以取之，未有大相過者。故王世充有隔水之問，而秦王所以答之者，語雖大而不得，不若復竇建德書詞意之明決也。使唐初舉事，若湯伐桀，若武王伐紂，若沛公誅無道秦，則義橫四海，至仁無敵。世充雖兵強將猛，安得與獨夫之子子嬰之徒，堅保孤城，而唐室文告之詞，豈止如是而已。此董公所以貴於明其為賊也。

四年

上謂世民曰克城之日乘輿法物圖籍器械悉收之士及曰令取洛陽止欲息兵克城之日子女玉帛並分賜將士子女玉帛並賜將士

論唐出令之悖

伐國者討其罪人斯已矣後世乃有既禽其主又坑其衆者已爲不道而又取其子女以賞軍則非理益甚矣繫累其子弟古人所謂如火益熱也反其耄倪古人所謂猶可及止也高祖之令於是大失而秦王何不諫止而從之也朱粲以婦人嬰兒爲糧而世充收之世充使父子兄弟相告故唐伐之今乃下令預以洛陽子女分賜將士彼子女老

或勲伐之後或賢士大夫之家非人人與世充同爲暴虐者何罪而沒爲官婢乎出令如此其愈

於朱王者特不殺而已豈不悖哉

竇建德迫於虎牢不得進凌敬請取懷州則鄭圍自解建德將王世充求援于竇建德建德帥兵十萬救之世民曰後之謂將曰凌敬書生安知戰事一舉兩克在此行矣遂使元吉守東都自將東趣虎

牢建德兵不得進數戰不利凌敬說建德悉兵濟河攻取懷州河陽踰太行入上黨狗汾晉趣蒲則關中震駭鄭圍自解矣建德不從

論凌敬之策未足以解圍

凌敬之策誠善策也使竇建德遂從之則秦王其

果釋洛陽之圍而自救乎抑分兵渡河躡其後而擊之乎其許之和兩俱解而退乎曰是皆不然建德雖善將長安諸人及并州將帥自足以待之正使攻取懷孟而汾晉蒲津豈不戰所能下延引日月適足以孤洛陽之心耳秦王固將攻圍益急世充見建德不救而去亦叵測其所以危疑震懼能不破乎既破世充席戰勝之威益以降附之衆北

取建德不過遲時月間耳

致堂先生讀史管見卷第平

蘇威請見世民

高祖下

稱老疾不能拜世民遣人數之曰公

及至長安云宋本云

隋室宰相危不能扶使君弑國亡見李密王世充皆拜伏舞蹈今既老病無勞相見及至長安又請見不許既老且貧無復官爵卒於家

論蘇威之罪與封德彝裴矩有間

蘇威相隋俛仰昏主之側十餘年間纔有兩言一論雁門勲格太重致煬帝失人心者一論盜賊之多而無匡濟之策可謂危而不扶顛而不持罪固大矣若比之封德彝裴矩奸邪諂佞召危產亂則亦有間唐之寵任德彝為是則廢棄蘇威為非廢棄蘇威為得則寵任德彝為失要之威無可用者

德彛其當戮之以為人君迷國誤君之戒。然後為

當也。

上救世充為庶人徙處蜀竇建德斬於市宋本
世民至長安俘王世充竇建德獻于太廟。上斬建德

于市。赦世充為庶人。徙處蜀。未行。獨孤脩德殺之。上

免脩德官。

論世充當
竇建德當

王竇非唐之叛臣也。當隋之末世。以烏合之眾。盜
名字者。不可勝數。唐室假仁而行。則此二人之輕

重。世充為首。宜數其事。煬不忠。致隋失天下。又殺

皇泰主而自立。淫刑以逞。虐及無罪。而戮之。而以

宥世充者。宥建德則刑有章矣。而唐不然。其不戮

世充也。得非內省有疚歟。其誅建德也。無乃畏惡

其能歟。已而使人溺殺世充。豈所謂與眾棄之歟。

置錢監於洛并幽益。世民元吉賜三鑪。裴寂賜一鑪。

鑄錢監首元宋本
聽自鑄錢

錢者國之大寶。當鑄之王府。不可歸之臣下。漢賜

蜀嚴道銅山與鄧通。豈可法也。天下向平。諸侯國

土賞賜。亦不為薄矣。何必更使自鑄乎。賢而多財。

則損其志。秦王不當受愚而多才。則益其過。齊王

論鑄錢不可
歸之臣下

豈當與。至於裴寂既貴且富，勞報逾分，亦復得之。而功出其上，如劉文靜者，生則母老家貧，死則貲財籍沒，書曰：無黨無偏，王道平平，高祖所為，不亦

異乎。

詔發巴郡兵以趙郡王孝恭為行軍總管討蕭銑，李靖由黃神連孝恭發兵擊蕭銑。

蕭銑非唐之叛臣也。倉卒時，豪傑誰不欲有分於海內者，况銑又梁之苗裔乎。唐若以文告之，詞昭

而撫之，銑見天下十已平九，亦必束手聽命。若再

三諭之而終不下，加兵未晚也。唐之起，異乎漢光

武之復祖業，銑之舉異乎公孫述之無所為而為

之。然光武待述，訓勅屢下，及王師已至成都，猶眷

眷丁寧冀其降也。以是揆之，則唐所以施諸銑者

未盡其道矣。

孝恭送銑於長安，上數之銑曰：隋失其鹿，天下共逐之。銑無天命，故至此。銑大懼，倉卒徵兵，不集。出戰大敗，銑曰：天不祚梁，不可復支。柰何以我而陷百姓乎？帥羣臣總縑布幘詣

軍門降，送於長安。上數之銑曰：隋失其鹿，天下共逐，

若以為罪，無所逃死，竟斬於都市。

孔子曰：繼絕世，興滅國，天下之民歸心焉。桀紂之

論唐所以施
蕭銑者未盡
其道

論唐殺蕭銑
非仁

無道也。聖王繼起，猶必封其後，非要譽於天下也。所以歸民心，合天德也。蕭銑雖自帝一方，蓋以宗國顛覆為任，其心豈與唐兢哉。又况唐師臨境，銑兵未嘗力戰，又不嬰城固守，總服而出降，夫豈王世充之比乎。既服其人，當矜其志，胙以江南百里之國，使奉梁祀，則唐之德庶幾乎武王下車之政矣。而以盜賊待之，必殺之而後慊，得謂之仁乎。

詔陝東道山東道行臺尚書令得承制補署

由朝廷制藩屏以藩屏臨州縣以州縣治百姓如

冊政不當出
于朝廷又出

挈裘而振其領。政出于一，則稟承者無二三之惑。

今唐全有四海，置郵以傳命，雖萬里之遠，不逾時

月而至矣。而建三三行臺於外，使大臣承制補署

是政出於朝廷，又出於行臺，夫豈國無異政之體

哉。

突厥入寇，上問群臣和與戰孰利。鄭元璠曰：戰則怨

深，不如和。利封德彝曰：不戰而和，示之以弱，不如勝

而後和，則恩威著矣。上從之。



唐待突厥禮與貨厚不貲矣，自武德二年至是四

論唐與夷狄
和作始簡而

年之間大小入寇逾十數高祖猶與之和是欲戰則戰欲和則和權常在突厥也處之於後之為難則以結之於初之為失也本和戎之策始於晉魏絳侯伯之國一時偷安可耳案使文公方伯必不為爾悼公初以戎狄貪而無親是也而絳廣引后羿失人而亡挾以虞箴武不可重讀之語以警動之悼公雖英決之資然年才十八其盡知情偽固有歉於文公之老成也而絳之所以和戎者非自他畧亦盟而貨之以中其貪夫豈緩之以德乎二帝三王之

時未嘗無戎狄聞有慎德而來賓者惇德而率服者封畧既定華夷有限侵叛則伐之去則不追也詩云薄伐玁狁至於太原是也唐初急於近功北面而稱臣是以啓寵納侮作始簡而將畢也勞師費財不勝其巨矣人主以二帝三王孔子為法修吾德政內安中國而外固邊圉不與交通息其謀夏之心又安有結親之辱和好之恥乎

清河後人張日瑞重校



Faint vertical text columns, likely bleed-through from the reverse side of the page.

寬政戊午

